

LIBELLI ARI-
STOTELIS

DE SENSU ET
SENSIBVS

*Castigata versio & Analysis
Logica.*

Cum Quætionibus & Disputationi-
bus inde desumptis.

STVDIO

RODOLPHI GOELENII

Professoris Philosophici in
Acad. Marburg.

Cum gratia & privileg. Cesar. Maiest.



FRANCOFVRTI

Apud M. Zachariam Palthenium.



Recognita & castigata lectio Curęi
ad nostram editionem accommo-
data. Prior numerus paginam,
posterior lineam de-
notat.

Lege pag. 1. l. 26. ἀνθρώπων 4. 9 post doctrinam. suppl. E-
thicam. 6. 20. κίλον 13. 17. amarorem. 16. 26. pro
nec lege aut, 18. 4. & 9. volunt. 24. 23. dele verba
desinit in speciem. 27. 34. recondit arā 32. 25. Iste est
radius. 45. 23. ἡγεῖα. ead pag 38. inaequales sunt 51. 15.
emittit. 51. 5. ecce ead. 30. illustrat 54. 36. Idem igi-
tur. 61. 25. habitui. 65. 29. calor 67. 9. pro divino di-
urno. 72. 3. pro Homerum leg. Herodotum 73. 6. pro
eum cui 74. 17. pro coruscus caeruleus. 76. 36. affectio-
nis 78. 17. post animalis supple qui 83. 9. pro veri aeri.
91. 20. renisus 94. 2. vehit. ead. pag. lin. ult. dele prius
comma. 98. 20. pro immobilem leg. quiescentem. 99.
ult. lin. pro ratio oratio 102. 18. pro maioris, interioris
104. 4. deducimur. ead. pag. 22. cupita. eadem item
pag. 32. obtrudit. 105. 19. diurnis. 109. 11. tardo &
lento 114. lin. ult. pro minus nimis. 118. 19. pro quasi
eadem 120. 10. pro cum. eum. 139 lin. ult. pro vino. vi-
uido vel viuido. 142. lin. 2. pro ea illi. 162. 18. Valerio-
la. 164. 15. pro ingente vigente 175. 3. pro puncto pone
comma. 181. 29. Ptolemao. 183. 11. inaequali mole 195.
12. pro elemento alimento. 207. 25. pro Ignis Agens.
212. 18. tactui. 218. 12. pro maledice leg. male dici.



DOCTRINA ET VIRTVTE PRÆSTANTI

viro M. Zachariæ Palthenio, Ty-
pographo Franco-
furtensi.

RODOLPHVS GOELENIVS

S. D.



Erspicuo & minime mō-
 stroso orationis chara-
 ctere exposuit doctrinā
 Physicā de sensu & sen-
 silibus, vere pius & e-
 ruditus vir Ioachimus
 Curæus. Sed in editione
 voluntati auctoris non
 fuit factum satis. Valde
 enim vitiose libellus est excusus. Itaque vnum ex
 editis exēplis sua ipse manu castigavit, quod me-
 cum communicavit Ioannes Ferinarius Historia-
 rum Professor, Pædagogii nostri Rector, collega
 mihi coniunctissimus. Ad eius fidem emendatū
 optavit de integro prodire libellum istum. Cum
 itaque Doctissime M. Paltheni intelligam, te pro
 industria tua, & studio iuvandi rem literariam, in
 eo nunc totū esse, vt operas tuas huic optimo au-
 ctoris operi iterum excudendo accommodes, e-
 mendationem istam ad te mitto, vt eam extremæ
 pagellæ adiicias. Erit tibi hoc argumento me,
 quibuscunque rebus possum, studiosè tibi gratifi-
 caturum. Si placet, vt *per Dñm meos* addere, po-

tes ipsum contextum Aristotelis e Græco fideliter
expressum, hoc est ad Græcæ λέξις veritatem, &
simplicē τῆς ᾗ τὸ διὰ τοιαύτην in latinum sermonem cō-
uersum, & Analysin eius Logicam cum aliquot
huius argumenti quæstionibus, & quæ minus in-
tricatæ mihi videbantur, (missis reiectisque iis, de
quibus cum sapientibus dicere soleo: Assensus an-
terem perspectam sustinendus non est) & quarū
consideratio liberalem habet delectationem. Te
cum omnibus tuis, quam felicissime vivere & o-
ptime valere ex animo cupio, & Deum oro, vt ho-
nestissimos tuos labores fortunet. Tu vicissim
eundem pro me ora, vt literatum otium, quo
nihil est dulcius, mihi diutius conce-
dat. Marpurgi Calend. Iulii,
Anno 95.



ARISTOTELIS DE

SENSV ET SENSILIBVS,

libri caput primum,

RODOLPHO GOELENIO

INTERPRETE.

*QVIBVS DE REBVS DEIN-**ceps sit tractandum summam proponit,**ac quæ sint corporis & animi**communia docet.*

Voniã † de animo
per se ante expli-
catũ est, ac de fa-
cultatibus vniuf-
cuiusq; eius par-
tiũ sigillatim: se-
quitur, vt quæ nã

animantium eorumque omnium,
quæ vitæ beneficio vtũtur, propriæ
sint actiones, quæ communes, cõsi-
deremus. Ac ea quidem posita sint,
quæ de animo diximus. De † ceteris
autem, ac primum de primis disse-
ramus. Constat quidem ea, quæ ma-

ximum pondus habent, communi-
aque sunt & propria animantium,
communia animi esse ac corporis:
quo in genere est sensus, memoria,
ira, appetitus, & vno nomine cupi-
ditas, & præterea voluptas ac do-
lor. Hæc enim fere in omnibus ani-
malibus reperiuntur. Præterea ho-
rum quædam omnibus viuentibus
communia sunt, quædam animan-
tibus quibusdam conueniunt. Ho-
rum† autem ea, quæ maximū pon-
dus habent, cæterisque præstant,
quatuor tantum paribus continen-
tur, vt vigilia & somnus, adolescen-
tia & senectus, spiratio & expiratio,
a vita & mors, quæ† quid sint ac qui-
bus ex causis eueniant, videndum
est. Physici etiam est valetudinis ac
morbi primas causas animaduerte-
re, præsertim cum nec valetudo nec
morbus, in ea, quæ vita careant, ca-
dere possit. Itaque fere ii omnes,
qui in naturæ ratione versantur; &
medici qui magis philosophice ar-
tem tractant, illi quidem (physici)
desi-

definunt in ea, quæ ad medicinam
pertinent, hi vero (medici) ex iis
quæ naturam attingunt principiū
ducentes, de medicina disputare so-
lēt. Ea † aut quæ dicta sūt, cōmunia
& animi esse & corporis, hinc sciri
potest, quod eorum quædam cum
sensu, quædā per sensum fiunt, quæ-
dam etiam eius affectiones sunt, alia
habitus, nonnulla custodiæ atque
conseruationes, aliqua interitus &
priuationes. Sensum autē per cor-
pus ab anima fieri, tum ratione do-
ceri potest, tum sine ratione intelli-
gi. Sed de sensu & sentiendi officio
ac munere, & quam ob causam ani-
mantibus hæc affectio conueniat,
in libris de animo diximus. Ani-
mantibus † autem, quatenus vnum **f**
quodque animal est, sensus necessa-
rio inest. Hoc enim ipso animalis
naturā a non animali distinguimus.
Ac † de his quidem vt sigillatim **g**
differamus, tactus & gustatus in o-
mnia cadunt necessario, tactus qui-
dem propter eam causam, quam in

libris de anima diximus, gustatus
vero propter cibum & alimentum.
Hic enim sensus salutarem cibum a
pestifero ita secernit, vt insuauem &
ingratum fugiat, salutarem gratum-
que appetat, omninoque sapor eius
est partis animi affectio, quæ alendi
b vim habet. Ii tamen sensus, qui a re-
bus extrinsecus adhibitis oriuntur,
vt odoratus, vt auditus, vt aspectus,
iis animantibus quæ gradiuntur, & o-
mnibus, quæ iis quidē p̄dita sint, cō-
seruationis salutisq; causa dati sunt,
vt & præsentiendo pastū quærant, &
exitiosum pestiferumq; declinent.
Iis autem quæ etiam prudentia præ-
dita sunt, sensus eosdē natura attri-
buit; ornatus dignitatisque causa,
quippe cū multas dissimilitudines
intro nuntient, quibus tum eorum
quæ sub intelligentiam cadunt, tum
eorum quæ agenda sunt, scientiam
& prudentiamque adipiscuntur. Ex
iis autem ad ea, quæ necessaria sunt
percipienda, aspectus quidem per se
plus pōt, ad intelligendū vero audi-
tus

tus plus potest per accidēs, quia multas ac varias rerum differētias ostēdit nuntiatque visionis facultas, propterea quod omnia corpora colorata sint. Itaque † hoc ipso sensu & ea quæ sunt omnium communia, percipiuntur maxime. Communia † autem appello, vt figuram, magnitudinem, motum, statum, numerū. Auditus vero sonorum dissimilitudines solum declarat, paucis autem etiam vocis & orationis. Auditus † *m* autem per accidens ad disciplinam (seu prudentiam seu intelligētiam) maximū adfert adiumentum. Oratio enim & sermo doctrinæ causa est, cum audiatur non per se sed per accidens: ex nominibus enim constat, quorum vnumquodque est signum. Itaque † ex iis, qui alterutro *m* horum sensuum a primo ortu privati sunt, aptiores sunt ad discēdum cæci, quam ii qui muti & surdi sunt. Ac de vi quidem, quæ cuique sensui data est, ante dictum est.

Analysis Logica CAP. I.

a Quoniam de animo] *Propositio tractationis per perfectam transitionem. Hactenus post generalia de corporis natura (in octo libris ἀπερίστωτο, physic.) de anima & eius facultatibus, quatenus ab anima proficiscuntur, disseruimus. Sequitur tractatio de communibus affectionibus, quæ animantibus insunt ratione anima & corporis: (sunt enim ab anima, sed non sine instrumento corporeo) nempe de sensu, memoria, somno, vigiliis, motu secundū locū, iuventute, senectute, respiratione, vita, morte.*

b De cæteris autem,] *Divisio: cum ratione, cur primum sit acturus de sensu & sensilibus. Ordo doctrine postulat, ut de primis differatur primo loco. Sensus est ex primis: quia propter sensum animal est animal. Ergo primum disserendum de sensu.*

c Horum autem ea,] *Divisionis illustratio, qua cōparantur impariter affectiones illæ inter se. Longe maioris momenti sunt vigilia & somnus, adolescentia & senectus, spiratio & exspiratio, vita & mors, quam ira, appetitus, voluptas, & dolor.*

d Quæ quid sint] *Repetitio propositionis cū appendice, quod cū hic de πᾶσι certis viventium & animalium agatur, par sit, ut sanitatis quoque & morborum principia vera & prima cōprehendantur. Nā sanitas & morbus sunt affectiones viventium, cum nihil dicatur sanum aut morbo affectum, nisi quod vita praditum est*

Ea autem quæ] Probatio. Ira, voluptas, dolor, memoria, somnus, respiratio, sanitas, vita, mors &c. aut iuncta sunt cum sensu, aut per sensum fiunt, aut sunt eius παῖς, aut habitus, aut custodie, & cōservationes, aut interitui & priuationes: & ita aliquo modo respiciunt sensum. Ergo sunt cōmunia animi & corporis. Valet consecutio. Quia & sensus est παῖς cōmune corporis & anima, quod vel sine ratione doceri potest. Quis enim ignorat corpus absq; anima, id est cadaver nihil sentire? anima vero secreta a corpore non sentit, sed tātum intelligit.

f Animantibus aut,] Sensus pertinet ad esse animalis. Animal per sensum est animal, ut enītiatū κατὰ τὴν φύσιν sit, Animal sentit: sicut in 2. de anima dicitur τὸ δὲ ζῶον διὰ τὴν αἰσθητικὴν πρῶτως.

g Ac de his quidem] Distinctio sensuum ex generaliore & specialiore subiecto, in quo insūt, finibus & effectis. Quidam sensus animantibus insunt necessario, ut tactus & gustus. Nam per tactum distinguuntur obiecta externa, qua vel corrumpere possunt corpus vel idem cōservare, ut illa fugiant, hac persequantur: per gustū etiā distinguuntur alimenta convenientia a noxiis. Alii sensus non sunt omnibus dati: quibus autē insunt, iis insunt propter melius. Id est hoc fine ut animal non solum sit & vivat sed etiam ut bene vivat. Porro homini sensus dati sunt etiā, ut cognoscendo & intelligendo praestantiorem vitam viveret, hoc est scientia seu sapientia, & prudentia causa. Huc quidem visus per se. Au-

ditus vero per accidens plus adiumenti affert.

b. Si autem [sensus] Hic latet distinctio sensuum ex comparatione adiuncti medi. Tactus & gustus ad tangendum & gustandum non indigent externo medio, visus vero, auditus, odoratus indigent. Per aërem species visibiles ad oculos, audibiles ad aures, odorabiles ad nares, sed tactiles & gustatiles species aëreus (id est, absq; medio externo) ad ipsam cutim & linguā deferuntur.

i Exiis autem] *Ratio comparationis. Color est proprium sensibile seu obiectum visus. Omnia autē corpora sunt colorata. Ergo visus de omnibus corporibus percipit aliquid per se, & ita multas patefacit differentias*

k Itaq; hoc ipso] Visu omnia obiecta com-
munia percipiuntur: Sed a ceteris sensibus qua-
dam tantum percipiuntur. Sensus igitur visio-
nis est precipuus & acerrimus.

1 Cōmunia autem] *Communium obiectorum
sensus declaratio exemplaris.*

m Auditus autem per] Ratio, cur auditus sit causa per accidens vberioris cognitionis: quia per accidens orationē, qua de multis erudimur, percipit. Nā auditus per se percipit voces, quatenus sono proferuntur. Oratio autē constat ex vocibus. Accidit igitur orationi, ut ab auditu etiam percipiatur propter voces.

n. Itaq; ex iis] Probatio antegresse sententia:
Quia cæci possunt adminiculo vocis & auditus
ab aliis loquentibus discere. Surdi vero, cum

non audiant, cum voces non percipiant, ab aliis doceri non possunt, muti etiam alios interrogare nequeunt. de iis quæ ignorant. Ita vero natura comparatum est ut res per symbola quidem, id est, nomina apprehendantur quæ cum nullo sensu a surdis apprehendi possint, etiam rerum cognitione destituti sunt. Nā intellectui nostro non sunt ingenerate rerum notitiæ sed eas sunt in iis, id est, acquiruntur & discuntur. Eadem fere causa est cur plerique surdi sint quoque muti.

DE SENSIVVM INSTRV.

mentis ac potissimum, quæ sit aspectus vis, oculique materia.

C A P V T I I.

COrporis tamen partes, quibus nasci & exsistere sensus soleant; nonnulli quidem pro elementorum, ex quibus corpora constant ratione exquirunt, & cum non possint ad quatuor illas sedes sensus, qui quinque sunt, adhibere, de quinto hærent. Faciunt autem omnes aspectum vim naturamque igneam imitari, quod causam alicuiusdam affectionis ignorent. Cum enim

torquetur ac mouetur oculus, tum ignis species elucere ac prodire videtur, quod in tenebris vel cū palpebræ obductæ sunt, solet cōtingere: tum enim etiam in tenebris est.

Quod etiam aliam dubitationem affert. Si enim fieri nō pōtest, vt quispiam ignoret se sentire, ac videre id, quod sub oculos ipsius cadat, necesse ergo erit eundem suum oculum

b cernere. Cur † igitur ei quiescenti idem non vsuuenit? Sed huius rei causa & quæstionis, & cur aspectus ignis esse videatur, hinc intelligēda est. Solitæ enim sunt res leues in tenebris micare, non tamen lumen ex se profundūt: oculi autem nigrū dictum & medium læue cōspicitur. Hoc vero apparet, cum oculus torquetur, propterea quod vnum quasi duo esse accidat, quod quidē motus celeritas efficit, vt aliud videatur esse id quod cernit, & quod cernitur. Itaque non fit illud, nisi cito & in tenebris id eueniat, propterea, quod ea quæ læuia sunt, in tenebris
mica-

micare solent, veluti piscium quorundam capita, & sepiæ atramentū. Quod si lente oculus moueatur, nō contingit, vt simul duo & vnum id quod cernit, quodque cernitur, esse videatur. Illo † autem modo se ipse c oculus cernit, quemadmodum etiā in refractiōe. Alioqui † si ignis esset, d quemadmodum & Empedocli placet, & in Timæo scriptum est, aspectusque exeunte quasi ex lucerna lumine eueniret, cur etiam in tenebris oculi non cernerent? Nam † a- e spectū exstingui dicere in tenebris cum exit, id quod Timæus confirmat, prorsus nihil est. Quæ enim luminis exstinctio est? Omne enim, quod calidum & siccum est, vel in humido vel frigido exstinguitur, qualis videtur esse ignis qui in prunis est & flamma, quorum neutrum lumini contingit. Quod † si forte f contingit, sed propter paruitatem id nos fugit, profecto & interdiu, & in aqua, exstingui lumen oporteret, & cum gelu omnia obrigescūt, ma-

xime tenebras exsistere. Flammæ enim hoc iisque naturis & corporibus quæ deflagrant, contingit. Nunc vero nihil tale usuuenit. Empedocles† autem in ea sententia interdum videtur esse, ut aspectum dicat, id quod ante dictum est, lucis ex oculis emissionem oriri. Scribit enim hoc modo:

b *Ut† cū quis meditatur iter noctem sub opacā.
Preparat is lychnum, torrentis lumen & ignis:
Laternamq; aptat, quæ ventos arceat omnes,
Dissipat hæc flantis tum dura incommoda vèti,
At lux exsiliens proprium diffusa per orbem:
Collucetq; via, radiis pellitq; tenebras:*

i *Haud† aliter tunicis clausus subtilib. ignis,
Per pupillarem citius diffunditur orbem:
Ingentem hæc prohibet circumlabentis aquæ vim.
Ignis at excurrit, quantum se fundere possit.*

Atque hoc quidem modo nos interdum sentit cernere. Interdum autem iis fluxionibus, quæ proficiſcantur a corporibus quæ videtur. Democritus vero quod aquæ naturam aspectum imitari dicit, recte sentit: quod autem aspectum emphasin ipsam, hoc est, imaginis, veluti apparitionem esse

ait

ait, non recte. Hoc enim contingit propterea, quod oculus lævis est, nec in eo, quod cernitur, inest, sed in eo quod cernit. Refractio enim est illa affectio. Sed nihil omnino etiam nota ei erant ea, quæ de rebus speciem sui præbentibus & de refractione vere traduntur. Absurdum est ei etiam non venisse in mentem quærere, cur oculus tantum cernat, aliarum autem rerum nulla, in quibus imagines exprimantur. Ac ¶ illud quidem verum est, aspectum aquæ naturam imitari, sed tamen non cernimus, quia aqua est, sed quia perlucidus est oculus, quod etiam cum aere commune habet, sed facilius & diuturnius aqua quam aer servari & retineri potest. Itaque pupilla & oculus naturam aquæ imitantur. Quod ¶ etiã res ipsa declarat. Nam & quod defluit ex oculis, cum sauciati sunt, aqua plane videtur, & in iis qui admodum pueri infantesque sunt, splendore ac fulgore præstāt: & albugo oculorum ¶ in iis quidem

animantibus, quæ sanguinem habet
n pinguis est: quod † eo a natura effe-
ctum est ut humor ipse cōcretionis
expers permaneat, ob eamque cau-
sam pars est nulla corporis, quæ tar-
dius ac minus quam oculus frigoris
incommoda sentiat. Neque enim
adhuc ea pars, quam palpebræ ob-
ducunt, frigore obrigit. Eorū au-
tem animantium, quæ sanguine ca-
rent, oculi corio duro tecti sunt, idq;
• pro operculo valloque est. Sed † hoc
plane absurdum est, quod aiunt nō-
nulli aspectum emissā ex se quadam
natura cernere, permanareque vs-
que ad astra: aut ad aliquem vsque
terminum egrediendo cum aliena
luce coniungi atq; confundi, ut qui-
p busdam visum est. Hoc † enim præ-
stat dicere ipsum lumen initio cum
oculo coniungi, quamquam hoc e-
tiam stultum est putare. Quid est
enim lumen cum lumine coniungi?
aut qui tandem hoc fieri potest? Ne-
que enim quævis res cū quavis con-
iungitur: & res quæ intus est, cū ex-
ter-

terna quo tandem modo? cū mem-
brana interiecta sit Nos† quidem a-
liis libris hoc docuimus, aspectū rei
nullius sine luce vllō modo posse ex-
sistere. Sed siue lumē siue aera inter
rē q̄ cernitur & oculū interiectū po-
namus, profecto motus is qui p̄ illud
medium fit, facit vt cernamus. Nec
vero sine causa id quod interius est,
aquæ naturā imitatur. Aqua† enim
perlucida est, cerniturq; quēadmo-
dum extrinsecus, sic intus non sine
lumine. Aliquid igitur oportet esse
quod sit perlucidum, idque aqua sit
necesse est, cum non sit aer. Neque
enim in extremo oculo animus si-
tus est, nec animæ sensorium, neque
vero dubium est, quin intra nos, sit.
Itaque interior pars oculi & perlu-
cida sit & vim eā habeat, vt lumen
recipiat, necesse est. Idq; †perspici
licet ex iis, quæ vsu ueniūt. Iam enim
nonnullis, qui in bello eiusmodi cir-
ca tempora vulnus acceperūt, vt viæ
& itinera oculorū excisa sint, tene-
bræ offundi visæ sunt, quasi lucerna

extincta, q̄ parte ea, quę perlucida
est, & pupilla excisa quasi splendor
quidē adētus esse videretur. Ex † q̄-
bus perspicuū est, si in his rebus, hoc
vt dicimus cōtingit, quodlibet sen-
soriū attribuendū, & accōmodandū
esse vni elemento, hoc modo, vt o-
culi visionem, aquæ, id quo sonorū
varietates percipimus, aeris, odoratū
ignis naturam imitari statuamus.
Quale enim actu odor est, talis odo-
ratus est potētia. Sensibile enim fa-
cit vt sensus operetur, ita vt necesse
sit sensum iam esse id actu, quod an-
tea erat potentia. Odor autē quædā
est fumum imitans exhalatio. Atqui
exhalatio, quæ fumi specie efflatur,
igneæ naturæ est. Itaq; in loco, qui
cerebro vicinus est, odoratus sentio-
rium situm est. Frigidi enim materi-
es est potentia calida: & † oculorū o-
rigo eodē modo se habet, quippe cū
ex cerebro constet, quod humore &
frigore reliquas corporis partes fa-
cile vincit. Ea † autem pars, in qua
tangendi principatus inest, terrena
est,

est, ea vero qua gustamus, quædam species tactus est; ob eamq: causam uterque & tangēdi & gustandi sensus cordi adiunctus & annexus est. Est ¶ enim cor cerebro contrarium, caloreque cæteras partes longe ac multum superat. Ac de iis quidem corporis partibus, in quibus sentiēdi est fons & principium, ita dictū sit.

Analysis Logica C A P . 2

a Corporis autem partes] Proponitur disputatio de natura organorum sensus, qua græcis sunt αἰσθητικὰ. Anima enim sensui instrumento corporeo. Et primum quidem explicatur de natura & materia oculorum Proposit. Nonnulli organa sensuum ita exquirunt ut unicuique elemento unū ascribāt. Videbimus igitur quomodo sensus cū elementis cōiunxerūt singulis, & quā recte visum cū igne, auditū cū aere, gustū cū aqua, tactum cū terra, olfactū, in quo difficultatē sentiūt, cum vapore inter aquā & aerē medio. Ac primū quidē pleriq: ante nos visum statuūt esse naturæ igneæ quia decipiūtur quadā affectione, qua solet accidere circa visum, cuius verā causam ignorant. Affectionis expositio. Cum enim comprimitur & constringitur oculus: tū apparet ignis scintillās, seu emicās fulgoris ignei. Hinc alia oritur dubitatio.

B

Si enim fieri non potest, ut sentientem & cernentē aliquid, quod aspicitur, hoc ipsum lateat, necesse sane erit eundem suum oculum, qui existimat a dominatu igneæ natura existere, cernere. Cur igitur oculo quiescenti non moto ani presso vsuuenit, ut cernat ignem illum: cum quiescentis non minus quam distorti natura sit ignea: & oculus quietus tantundem possit cernere, & melius quidem quā loco motus & contortus. Hāc dubitationem veteres illi debuerāt secum expendere & soluere, ne sententia eorum de ignea oculorum natura suspecta veritatis videretur. Decipiebantur autem antiqui, hoc paralogismo. Ignis micat & oculus contortus micat. Ergo ipse quoque igneus est. Sunt pura affirmata in secunda figura. Et si ignis micat & fulget, non tamen omnia micantia sunt ignis.

b. *Cut igitur ei]* Queritur cur non etiam quietus oculus micet, ut motus loco, si ignis naturam habet? Ignis siquidem tam in quiete quā in motu micat. Responsio Aristotelis affert verā causam reiectā falsa. Micat oculus percussus vel distortus non quia ignem, sed quia lenitatē habet in media sui parte. Lenia enim corpora in tenebris micant: quia partes equaliter porrectas habent, quarū una aliam non inuoluit tenebris. Quando autem oculus est contortus, est vere in tenebris. Palpebrae enim arcunt lucem exteriorē d. ei. Contortus seu motus vero solum, non quietus oculus hoc ipsum patitur: quia non totius ille humor qui pupilla subiacei (crystallinū intellige redit

redit ad suū locū simul, sed vna pars citius, altera tardius, vel vna parte cōmota altera quiescit manet. Ea igitur quæ est quiescit vel quæ in loco proprio recur, in suo iam est, cernit alterius partis moti æfulgorem vt ita vnus humor habeat rationem duorum videntis nimirum & visi.

c. [Illo autem modo] Illustratio a simili, vt in aqua limpida vel speculo cernimus nostros oculos: quia refringitur species in polita superficie speculi. Sic in parte humoris crystallini loco mota cernitur species oculi seu fulgoris eius.

d. Alioqui si ignis esset,] Amplificatio antithetica: qua ostenditur absurditas sententiæ quod aspectus sit ignis, & ex oculis cum quippiam videtur egrediatur ignis. Hinc scilicet sequeretur, in tenebris etiam nos videre: quia ignis natura est, vt etiam tenebras illustret & species visibilium actu reddat visibiles.

e. Nam aspectum exstingui] Prolepsis. Sed regerent ignem noctis tempore ex oculis emissum, exstingui quod cum vicino aere non concreseat qui ignem non habet. Resp. Hoc est *vanum*, id est. vanum. An enim exstinctio proprie luminis est? Soletne lumen tenebris exstingui. Nonne tenebræ sunt priuatio lucis & non habent agentem in actione. Lumen proprie non exstingui probatur. Quia lumen si exstinguitur, vel in humido, vel in frigido exstinguatur (vt ignis) necesse est. Sed non hoc. Ergo nec illud. Vnde etiā apparet lumen non esse igneæ naturæ.

f. Quod si forte] Alia prolepsis. Hic forte

respondebunt. Contingit quidē lumen exstingui humido vel frigido, sed quia sensim & paulatim fit, quod cause exstinguentes hic non sint validissima, neq; ignis maximus visionis, quæ noctū fit, ideo non animadvertitur a nobis talis exstinctio. Respō. per deductionem ad absurdū.

Age ergo ponamus, lumen maximum diei, & gelu seu frigus maximum, nonne tum maximā exstinctionē luminis (id est tenebras maximas) sequi necesse foret quæ neminem latere possit? Hoc vero absurdū esse docet experientia. Nulla ergo est allata excusatio: & vana est responsio, ideo in tenebris nos non videre, quod ignis ex oculo exiens noctū a tenebris exstinguatur.

g Empedocles autē in ea] Proponitur sententia Empedoclis. Empedocles sensu visum esse igneæ nature & visionem fieri duplici modo: Interdum emissionē lucis ex oculis. Interdū defluxionibus quæ fiant a corporibus quæ videntur.

h Vt cum quis) Protasis comparationis.

i Haud aliter tunicis) Apodosis.

k Democritus vero quod) Diuiditur sententia Democriti. Recte sentit Democritus oculū esse aqueæ nature. Nō recte sentit, visum esse ἰμῶσι, id est, representationem seu exhibitionē simulacri in oculo. 1. Quod enim talis sit representatio imaginū in oculo, qualis in speculo, id inde est quod non oculus ipse percipit illam ἰμῶσι in sese, sed alius qui in alterius oculos inuenitur. Quare videri nō potest esse ipsa ἰμῶσι
id est

id est, non propterea fit visio quod in oculis leni-
bus est imaginum apparitio: Ratio est. Quia
magis illud in quodam sit per modum refractionis.

Redit igitur quasi perceptio imaginis ex oculo
posito ac fulgido ad eum, qui e regione est con-
stitutus. Quomodo ergo poterit esse ipsum vide-
re? 2. Si propterea videt oculus, quia in eo pos-
sunt exprimi species obiectorum etiam videbit
aqua, vitrum, speculum, argentum aut ferrum
politum. Sed hoc absurdum, Ergo & illud.

1 Ac illud quidem verum, est) Prolepsis.
Visus est aquea natura, Ergo videmus: quia
aqua est. Resp: Visus quidem factus est aqueus.
Colores enim seu species aspectabiles non percipi-
untur absq; pellucido medio aere, & pellucido
instrumeto, quod necesse fuit ex aqua formari,
quia aqua facilius recipit, retinetq; firmitus &
diutius species perceptas impressasue quā aer,
ut qui sit nimium tenuis & instabilis substan-
tie, non habens luciditatem sic terminatam,
neq; figuntur neq; resultant in eo species tam
commode, quam in aqua spissiore substantia.
Nec tamen oculus propterea visionem exercet,
quia in mixtione plus aqua habet: alioqui quid-
quid habet naturam aquae, etiam videret.

m Quod etiam res ipsa] Antecedentis ap-
probatio a tribus signis adiunctis.

n Quod eo a natura] *κρυφα*. Si humidum
oculi est natura aquea: sequetur illud frigore
concreescere. Humidi enim est concreescere &
coagulari.

Responſio ſeu λύσις διανοίας. Sane concreſceret humi-
dū oculi, niſi cōtra hoc periculū eſſet adeptus
oculus a natura praſidia: in ſanguineis quidem
pinguedinē: in exſanguib. animātibus duritiē.

o Sed hoc plane abſurdum eſt,) Refutatio
abſurditatis ſententia quorundam veterum,
DE MODO VISIONIS hoc: quod aliquid e-
grediatur ex oculis, & id cum protenſum eſt,
vel ad res uſq; viſas, vel ad certū ſaltem quod-
dam ſpatium ibidem cum occuſante lumine
coniungatur, coaleſcat, & permisceatur & q.
imbuatur colore ſeu ſpecie ac ſimilitudine rerū
atq; ita demū res obiecta viſu percipiantur.

p Hoc enim præſtat) Propoſita ſententiā impa-
ruer comparatur cum alia. Longe probabilius
diceretur lumen externū coniungi ſtatim initio
circa oculum vel in oculo antequam foras pro-
curreret quāquā neq; hoc ipſum recte dicitur,
ſed inſiſſio eſt. Abſurdum igitur dicere, lumen
ex oculis exire & cum externo lumine occur-
rente cōmplecti concreſcere. Et hoc primum
refutationis argumentū eſt. Alterum ſumitur
erepugnante natura luminis & cauſa impe-
diente coniunctionis tale. Qua iunguntur &
coaleſcunt, tāgunt ſe. Non autem tangunt ſe niſi
corpora, ut qua partes habeāt & extremitates.
Lumen autem corpus non eſt. Nec lumen inter-
nū oculi lumen externū tangere poteſt: Inter
humorē enim cryſtallinū & lumen externum
membrana dura, qua dicitur cornea, tegens
pupillam interiecta eſt qua impetit eorum

mutuum contactum & coalitum. Ergo improprie dicitur lumen συμπλοῦν, id est, coniungi, & concrefcere.

q Nos quidem aliis) Adhuc fuit ἀναίρεσις (remotio) falsa sententia. Non fit visio cōmixtione externi luminis cū externo: Sequitur hinc vera. Visio ita fit ut species visibiles moveant & afficiant medium & a medio vicissim moveatur visus, dum scilicet species ex medio illi offeruntur & communicantur.

r Aqua enim perlucida est.) Repetitur ratio ex adiunctis sumpta, cur instrumentū vidēdi potius aqueum quam aerium factum sit.

r Idq; perspicilicet) Organū oculi esse pellucidū seu esse ea natura, ut recipiat lumen esse δεικνύον τὸ φῶς, exemplis experientia probatur.

t Ex quibus perspicuum est) Reditus ad propositionem. Quodlibet sensorium attribuendum est uni Elemento. Probatio ab una sensus specie: Sensus vel orgāum tale est δυνάμιν quale est obiectum actu. Sed obiectum odoratus actu calidū & siccum est, id est, ignea natura. Odor enim consistit in exhalatione calida & sicca. Ergo orgāum etiam odoratus, δυνάμιν calidum est atq; siccum, atq; hac potentia in actum deducitur, quando actu ab odore monetur, afficitur, immutatur.

u Et oculorum origo) Oculorum generatio est ex aquea materia. Aqua frigida est & humida ut & cerebrum. Sunt igitur apte collocati oculi iuxta cerebrum, propter istam similitudi-

*nem cum ex ipso maxime aquoso oculi sine pro-
creati.*

*x Ea autem pars] Tactus proportionem respo-
dit: terra: quia fundatur in organo crassiore,
corpulentiore & magis terreo.*

*y Est enim cor cerebro] Ratio: Cur sensus
gustandi & tangendi sensus propiores cordi, sen-
sus collocati in loco calido qualis circa cor est.
Quia cor cerebro est oppositum ratione & sensus
& qualitatis: hoc quidem sine, ut cerebri frigi-
ditatem & humiditatem temperaret, & vicissim
ab illo nimius caloris feruor mitigaretur.*

DE COLORE, SIMVL
que vnumquemque sensum duplici-
ter dici ostendit.

CAPVT III.

De iis † autē quæ vnius cuius-
que mouētia sunt, vt de co-
lore, sono, odore, sapore, &
eo quod sub tactum cadit, vniuerse
quidem in libris de animo diximus,
quodque esset eorum munus & offi-
cium, quid etiam esset fungi vnius-
cuiusque sensus munere. Quid au-
tem quiduis eorum sit, veluti quid
color, quid sonus, quid odor, aut sa-
por

por, & quod tactile est, videndum est. Ac primum de colore dicamus. Eorum † quidem vnum quodque duobus modis dicitur, & actu, & potentia, ex quibus color & sonus qui actu sunt, quomodo a sensu actu sentiente, veluti a visione & auditione differant, † aut non differant in libris de animo dictum est. Quid † autem vnum quodque eorum sit, cum sensum mouere, & sentiendi energiam producere possunt, nunc explicemus. Diximus † quidem illis in libris lumen esse colorem rei pellucidæ, per accidens. Quando † enim in pellucido inest aliqd igneum, id præsentia quidem eius luminis est, priuatio autem tenebræ. Quod autem pellucidum dicimus, id nec aeris proprium, nec aquæ est, nec aliorum corporum, quæ ita vocatur, sed communis est quædam natura & vis, quæ tametsi separari non potest, tamen & cum his & cum aliis corporib. ita cõiuncta est, vt in nonnullis maior, in aliis minor eius vis esse videatur. Vt † igitur corpo-

rum, sic etiam huius naturæ aliquid
fit extremum oportet. A luminis
b quidem natura est, in \dagger pellucido in-
terminato. Quod vero illius perspi-
i cui in corporibus sit aliquid extre-
mum, cuius est manifestum. Idq; \dagger
extremum esse colorem ex iis, quæ
accidunt observare clare licet: cum
color omnis aut in extremo in sit aut
fit extremitas. Itaque Pythagoræi
superficiem colorem vocabant. Est
k \dagger enim in corporis extremitate, non
ipsa corporis extremitas, sed eam
naturam, quæ extrinsecus colorata
est, etiam intra esse existimare de-
bemus. Atque etiã \dagger aer & aqua co-
l lore prædita videntur, propterea
quod splendor sit eiusmodi: sed illic
m quia \dagger color est in interminato, nõ
n eodem \dagger colore tincta cominus &
accedentibus, quo eminus, aer &
mare videntur. In corporibus autẽ,
nisi \dagger id quod circumfusum est, va-
rietatẽ mutationemque faciat, co-
p loris etiam species certa est, nec va-
riatur. Ex \dagger quo perspicuum est, idẽ
&

& hic & illic coloris esse receptaculū. Ita ꝑ pellucidū quatenus corporibus inest (inest autem & magis & minus) facit vt omnia colorem participant. Quoniam autem in extremitate color inesse solet, certe in huius (scilicet perspicui) extremo insit necesse est. Ergo color erit pellucidi in corpore terminato extremitas. In ipsis etiam rebus per lucidis vt in aqua, & si quid aliud est eiusdē generis, & in iis, quæ colorem proprium habere videntur, æque omnib. in extremo adhærescit. Fit autē ꝑ vt in pellucido id insit, quod etia in aere lumen ꝑstat: fit etia, vt non insit, sed per priuationem absit. Vt igitur illic hoc quidē lumen est: hoc vero tenebræ: Ita in corporibus candor & nigror ingenerantur. De aliis ꝑ autem coloribus, iam distinctione adhibita, quot modis fieri possint, dicendum est. Fieri enim potest, vt etiam inter se ita candor & nigror cōponātur, vt neuter propter paruitatem sub aspectum cadat,

1 ist autem, qui ex utroque temperatus concretusque sit, ita denique cernatur. Is. n. neque albus neque niger esse villo modo potest. Quoniā autem eū necesse est in colore aliquo esse, illorū vero colorū neutrū habere potest, profecto aliquis mixtus ac temperatus, & quoddā aliud coloris genus sit necesse est. Atque hoc quidem modo plurima esse colorum genera præter album
 * & nigrum intelligi licet, quæ † ex
 a ratione quadam & comparatione existant. Nam tria ad duo, & tria ad quatuor (vel secundum alios numeros) iuxta se inuicē componi possunt. Illa vero plane secundū nullā proportionē, sed † secundum quādam exsuperationē & defectionē, ex quibus nulla oriatur concinna proportio. Atque hæc quidem eodem modo inter se affecta sunt quo
 β symphonix. Nam † ut quisq; color constet optima ratione numerorū, quemadmodum illic symphonix, ita suauitate & delectatione maxi-
 ma

ma aspectū mouere videtur: veluti
purpureus & puniceus, & pauci
quidem eius generis sunt, quam ob
causam perpaucæ sunt symphoniæ.
Reliqui autem colores in numeris
eius generis non habētur: vel certe
omnes colores in numeris habe-
buntur: vt alii ordinati: alii inordi-
nati sint: atque hi ipsi, cum non sint
puri, quod non in numeris sint, ta-
les existant. Atque † hic quidem
vnus modus est originis colorum.
Alter autem est ob eā causam, quod
alii per alios appareant, id quod in-
terdum pictores faciunt, cum aliū
colorem in euidentiore iniiiciunt
& inducunt, veluti cum faciunt vt
aliquid in aqua vel in aere emineat
atq; appareat: & veluti sol quidē per
se candidus est, per caliginem autē
& fumum puniceus. Atque etiam
hoc modo multa erunt colorum
genera, non aliter ac superiore rati-
one esse, diximus. Cōparatio enim
ac proportio quædā erit colorū in
superficie ad eos, qui inferius sunt.

Alii autē nulla ratione constabunt.
z Illud † igitur absurdum est, dicere
id quod veteres, colores esse fluxio-
nes, eosque ob eam causam videri.
a Necesse † enim erit eis per tactum
rerum omnium sensum facere. Ita
b † fit vt melius sit ita existimare, sen-
sum fieri ob eam causam, quod me-
dium ab obiecto sensili moueatur,
c quam tactu & fluxionibus. Ac † in
iis quidem quæ proxime inter se
apposita sunt, necesse est quemad-
modum magnitudinem concede-
re quæ aspectum fugiat, sic etiam
tempus quod sub sensum nō cadat,
vt & motus, qui suboriuntur lateāt,
& vnum, quod simul appareāt, esse
d videātur. Hic † autē nō est necesse
sed color qui eminet, cū sit immo-
bilis moueaturque ab eo qui subie-
ctus est, non similem motum effici-
et. Itaq; alius videtur atq; diuersus,
nec albus nec niger. Ita si nulla ma-
gnitudo sensum oculorum effuge-
re potest, sed omnis ex certo inter-
uallo cernitur, quænam hæc erit
co-

colorum permixtio? Atq; isto ꝑ mo-
do nihil prohibet commune, quod-
dam coloris genus iis qui procul
absint, videri. Nullam enim magni-
tudinem esse, quæ non cerni possit,
postvidebimus. Quod si est tépera-
tio & pmixtio quædam corporum,
non eo solum modo, quem nōnulli
fingunt, cū minima inter se illa qui-
dem componuntur, non tamē a no-
bis sensu videntur: sed plane omni
ex parte confundantur corpora,
quemadmodum vniuerse de omni-
bus in libro in quo de permixtione,
disputauimus, dictum est. Nam illo
quidem modo ea solum inter se mi-
scentur, quæ in minima diuidi pos-
sunt, vt sunt homines, equi & semi-
nā (hominum enim in genere vnus
homo est minimus, & equorum e-
quus) fit, vt horum inter se apposi-
tione vtrorumque multitudo mi-
sceatur. Vnum autem hominem,
cū vno equo mixtum esse non di-
cimus. Quæcunq; autem in mini-
mum non diuiduntur, eorum hoc

modo permixtio fieri non potest, sed horum plane omni ex parte misceri cōtingit ea, quæ quidē maxime apta nata sunt misceri. Quod quemadmodū maxime fieri queat, antea cum de permixtione dissereremus, diximus. Sed † illud perspicuū est, cur necesse sit, cum aliqua miscētur, colores etiam temperari atque cōfundi: & hāc ipsam causam præcipuam esse perspicuū est, cur multi sint colores, non vero ipsam eminētiā nec iuxtapositionē. Non enim vere mixtorum, eminus quidem vnus apparet color, & non cominus, sed ex omni interuallo. Multi autē colores erunt, propterea quod ea quæ miscentur multis rationibus inter se ita misceri temperariq; possunt, & nonnulla quidē innumeris miscētur, alia vero secūdū excessum solū, aliaq; sane eo modo, qui de coloribus, inuicem appositis, aut superpositis, afferri potest. Ac de iis quidē quæ inter se miscentur, in aliis quoq; libris disputatū est.

Cur

saporū & sonorū certa sint gēera, nō infinita post dicemus. Quid t̄ ergo color sit, & cur multa sint colorum genera diximus. De sono etiā & voce ante in libris de animo dictū est.

Analysis Logica C A P. 3.

a De iis autem quæ] *Deinde dicemus eorum quæ de obiectis singulorum sensuum alibi tractata sunt, cum propositione dicendorum.*

b Eorum quidē vnumquodque] *Distinctio vocis in sua significata. Color actu est vel potentia: Color actu est, qui afficit visum & cernitur. Sonus actu qui percellit auditum: Color potentia qui nōdum cernitur: Sonus potentia cū non auditur, cum sonorum non sonat.*

c Differant aut non differant] *Quando & sonus & auditus actu est, tunc vnum & idē sunt. vna enim est eorū operatio re ipsa, quāquā ratione est diuersa, visus auditus actu, ex parte potētia est passio, ex parte obiecti est actio: re ipsa tamē idem sunt αὐτοὶ & ὁφθαλμός.*

d Quid autem vnumquodq;] *Deinde dicemus. Quomodo se habere oporteat quodlibet audientis ut mouere possit sensum suum, explicabimus.*

e Diximus quidē illis] *Sentientia est. Præsentē lumine color est actu visibilis. Lumen illud cum colore afficit visum, & color nō afficit visum absq; medio illuminato. Indiget igitur*

tur color lumine, non ut forma, sed ut dispositione necessaria in medio.

f Quando enim in pellucido] Pellucidum quomodo conveniat corporibus: nempe non secundum propriam naturam (nulli enim propria est pelluciditas, aqua nō est pellucida, quia aqua) sed secundum communem quandam naturam: quae causa est illius qualitatis. Ea natura, adhuc ignota est & ἀνύμωτος.

g Ut igitur corporum sic } Pelluciditas, seu communis potius illa natura, inest quibusdam corporibus. Corpora autem omnia sunt superficie quadam terminata. Ergo ipsa quoque pelluciditas terminata sit necesse est.

b Pellucido interminato] Id est, in corporibus, quae simpliciter sunt perspicua & τράσπαρῆτα.

i Idque extremum esse colorem) Desinita rei nomen ostendit, quod est color. Hic est respectu corporis, in quo inest, ut superficies, in ipsa corporis extremitate. Respectu autem pellucidi, quod terminat, est ipsa extremitas. Color est in extremitate corporis, ita ut extremitas sit subiectum coloris. Color est extremitas ita ut extremitas sit genus coloris. Color enim est id quod terminat pellucidum visibile.

k Est enim in corporis] Color nō haret in sola superficie, sed etiā internas partes pervadit. Non est igitur simpliciter corporis extremitas.

l Atque etiam aer] Explicatur causa cur aqua & aer, quae tamen sunt pellucida interminata, proindeque colorem nullū per se visui exhibentia, aliquādo videantur.

tur: nēpe quia incidētia fulgoris alicuius affert φαντασίαν καὶ δίκην alicuius coloris, ut cū noctū ignis circa aquā collucet, aut rubor aurora vel solis oriētis in aerem & aquas incidit, sit ut mare purpureū videatur. Præterea propinquitās ac distātia præbet causam apparentiæ istiusmodi colorum.

m Color est in interminato] Id est, in aere & aqua quæ nō habēt in se extremū perspicuitatis. Bruno Sidelius manu sibi legere. Sed illic quia in interminato versatur visio nostra

n non eodē colore) Indicatur hic duplex colorū ratio. Alii sunt reales, veri, definiti, stabiles, siue prope siue procul eos aliquis inspiciat. Alii sunt apparētes, & phātsiā coloris præbentes, ppter incidentiā splēdoris & luminis alicuius, ut cum quis intuetur vitrum, in quod solis radius incidat, variam aliquando colorū cōpositionē cernere videtur, qui tamē in vitri natura nō sunt, sed ex varia inflexione, refractione mixtiōeque luminis, cū opaco, representātur, nisi id quod) Exceptio: aer pellucidus & illustratus lumine efficit mutationem coloris in corporibus.

p Ex quo perspicuum) Cōsectariū hoc est. Docetur verorum & apparentium colorū idētitas, ratione subiecti διὰ τοῦ. Hoc virisq, idē est, scilicet extremū perspicui. Tam termināt perspicuū visui nostro falsi colores, quā veri.

q Ita pellucidum] Consectaria alia præcedentium, causa & definitio coloris.

r fit autem, ut) Hactenus de colore generatim, quid sit, ubi sit, quando actū cernitur, & a qua causa fiat actū conspicuus. Sequitur di-

stinctio colorū. & modus quo generentur. Initium autem huius doctrina est, a comparatione similium: Sicut luminis externi presentia in perspicuis terminatis efficit luciditatem, absentia autem tenebras. Ita in perspicuis interminatis ad lucem internam praevalentē sequitur color albus, ad eius privationem color niger

f. De aliis autem) Colores aut simplices sunt, duo extremi aduersi inter se: Albus & niger: Aut sunt mixti seu medii orti a primis, ut fuscus, viridis &c. Hi duobus modis sunt veteribus, unus per appositionem atomorum albi & nigri (quorum neuter cerni potest per se, ob exilitatem vel paritatem, coniunctus vero cum alio cernitur) varia proportionem factam.

u is autem) Descriptiūcula medi coloris qui ex albo & nigro resultat cū ratione a disparatis.

α Ratione quadam] multa vero proportionem.

u Quae ex ratione) Illustratio analogica. Eadem est ratio circa colores, quae est circa symphonias, id est, vocum consonantias.

β Secundum quandam] Secundum excessum quendam & defectum non proportionatum.

x Nam ut quisque color) Explicatio comparationis. Colores enim in numeris bene proportionatis quemadmodum illic symphonia suauissimi colorum esse videntur.

y Atque hic quidē) Transit a primo modo originis colorum ad secundum, quod fiant quando unus color est super alterum illitus, quorum superior non mouet visum, sed vi & motu inferi-

ferioris substrati iā ōculos attingit. Illustratur hic modus duobus similibus. Alterū a pictoribus, alterum a sole petitum est.

z Illud igitur absurdum est) Repetit primū modum a veterib. positum de colorum origine inter quos precipuus Empedocles.

a Necesse enim erit,] Confutatio vincula huius Empedoclea sentētia ab absurdo. Si iste modus esset verus, ex eo sequeretur quod omnis sensus optica esset tactus. At hac esset confusio sensuum inter se & obiectorum.

b Ita fit vt melius] Qua tactu percipiuntur per se absq; externo medio percipiuntur. Si ergo color quoq; afficit visum seu oculum incurrēdo, & tangendo, multo melius hanc suā opinionē veteres defendere potuissent communi ratione tactilium qualitatum, si scilicet dixissent colores esse qualitates tactiles quam illis absurdis figmentis defluxu ex corporibus visis.

c At in iis quidem] Altera confutatio eiusdem modi etiam ab absurdo quod sit ἕλκερ.

d Hic autem non est] Comparatio secundi modi cum primo dissimili, secundus modus est fieri colores & cerni, quando unus color alteri superinducitur. In hac opinione non statuitur illud absurdum quod prior inerat, vt quilibet color inferior & superior moueat visum per se, sed vis mouendi tribuitur inferiori soli.

e Atque isto modo] Reditus ad confutationē prioris opinionis.

z Sed illud est perspicuū] Adhuc fuit con-

lutatio falsa opinionis duplicis. Sequitur Aristotelis sententia de causis colorum pluriū sine mediorum. Non fiunt hi per iuxtapositionem, nec per suprapositionem seu eminentiam sed per verā mixtionē. Cū miscētur elemēta, mixtorū colores etiā ipsi miscentur & inde oriūtur varia colorum differentia. mixtis enim causis miscentur etiam effectus. Itaq; causa primariū qualitatum miscentur etiam alia qualitates, ut colores, non ita, ut albedo & nigredo sola sint principia colorum mediorum, sed in mixtione corporum una sequitur permixtio extremorum colorum quadam, pro cuiusq; rei natura & qualitatum primarum viribus.

g Quid ergo color) Conclusio qua propositū repetitur. Estq; prima transitionis pars.

DE ODORE ET SA- pore, eorum item origine & causis.

CAPVT IIII.



unc sequitur, ut de odor & sapore differamus. Eadē enim utrūque fere affectio est, sed nō in iisdem versatur. Evidentiust autem nobis est saporum genus, quam odorum, propterea quod

quod† & hic sensus nobis præ cæte-
ris animantibus imbecillior datus
est, omniumq; eorū, quib; præditi
sumus, est infirmissimus: tactu vero
cætera animatiū genera vincimus,
& gustus est tactus quidā sapor. A-
qua igitur† natura insipida esse vult. *d*
Necesse vero est, vel aquam in se cō-
tinere saporum genera insensibilia
propter paruitatē, vt Empedocles
docet, vel materiā talē inesse (aquæ)
quæ sit q. *παραρρημία* saporū, & cun-
cta quidē (saporum genera) ex aqua
fieri, aliud vero ex alia parte: vel a-
qua in se nullā differentiā habente,
efficiens esse causam variorū sapo-
rum: veluti si quis calorem aut solē
horum causam esse dicat. Quod
autem† Empedocles adfert, nimis
manifestū est commētū. Sapo-
res n. a calore mutari cernimus, fructibus
decerptis & soli vel igni expositis,
vt tales non fiant, trahēdo ex aqua,
sed in ipso fructu mutantur, & resic-
centur spatio temporis, austeri ex
dulcibus, & amari, & qualescunque

alii qui fiunt: cōcoctique in omnia
 saporū genera vertantur, vt ita dica-
 mus. Itemq; † fieri non potest, vt a-
 qua sit materies q. cōmune saporū
 seminariū. Ex eodē enim exempli
 cāusā, cibo & pastu diuersos saporē
 effici videmus. Relinquitur † ergo,
 aquā mutari patiēdo aliquid ex eo
 quod in aqua quædā affectio conse-
 quatur. Illud † vero perspicuum est
 vim eā quā saporē appellamus, nō a
 vi tantum caloris accipere aquam.
 Aqua enim cum omnium humido-
 rum tenuissima est, tum oleum etiā
 tenuitate vincit, sed oleum latius
 diducitur quā aqua propter viscosi-
 tatē, aqua vero *ῥαδιόρ' ὄντι*, vnde etiā
 difficilior est aquā in manu quam
 oleum continere. Quoniāq; aqua
sola, cum efferuescit, minime dērior
efficitur, pfecto alia sit causa neces-
 se est, saporē enim omnes crassam
 magis habent consistentiam, calor
 vero est *συναιτία* id est, concaussa.
 Saporē † vero qui in fructibus re-
 periuntur, iidem etiam in terra esse
 appa-

apparent. Itaque multi eorum, qui de natura quondam differuerunt, aquam † talem, qualis sit terra, per quam effluat, esse posuerunt, idque in aquis falsis maxime animaduerti licet. Sal enim quoddam terræ genus est. Quocirca quæ per cinerem, qui amarus est funduntur, amarum efficiunt liquorē (vt lixiuium) vel saporē, itēq; ea quæ per alia colantur. Suntq; fontes alii amari nonnulli acidi. Sunt etiam qui alios vapores retinent & omnimodas saporum differentias alias continent. Itaque recte in iis quæ terra ex se fundit saporum genus existit maxime. Humidum enim † vt etiam alia, a cōtrario patitur, sic cum autem cōtrarium est, quare ab igne etiam patitur aliquid: sicca enim ignis natura est. Sed calor proprius est ignis, siccitas autē terræ, quemadmodum cum de elementis disputaremus dictum est Quatenus igitur ignis & terra sunt, nihil agere aut pati solent, nec quicquam ali-

ud, sed quatenus in eis quædam cō-
trarietas inest, eatenus & faciūt &
779 patiuntur ōnia. Vt† igitur ii qui co-
lores & saponem aquis abluunt, tali
colore ac sapore aquam inficiūt, sic
natura etiā siccum & terrestre (a-
quis scilicet abluens, inficit eas eo-
dē sapore). Et per siccum atque ter-
restre colans & impellēs humidum
calore (tanquam efficiente) quali-
tate quadam (sapore) illud afficit.
780 Estque † sapor ea affectio, quæ a sic-
citate terrestri in humido gignitur,
alterans gustum de potētia in actū.
Deducit† enim (sapor) sensitivū po-
781 tētia præexistens ad hoc, vt scilicet
actu secundo sentiat. Sentire enim
non est tanquam discere, tanquam
p speculari. Saponem† autē non cuius-
vis sicci, sed eius quod alendi vim
habeat, affectionem esse aut priua-
tionem, hinc intelligi licet, quod
nec siccum sine humido, nec humi-
dum sine siccitate cōstare vllō mo-
do potest. Nihil enim eorum per se
animantibus cibus est, sed quod ex

his permixtum concretumque est. Suntque eorum quæ ad animantium victum adhibentur, ea quidem quæ inter sensuum obiecta sunt tactilia, efficientes causæ & augmenti & decrementi Horum † enim causa est id quod adhibetur, quatenus calidum est & frigidum. Hæc enim efficiunt & augmentum & decrementum. Alit autem id quod exhibetur (alimētū) quatenus est gustabile, omnia enim nutriuntur dulci, vel simpliciter, vel alio admixto. Ac de iis quidem in libris de ortu differendum erit accuratius, nunc vero quantum necesse est ea attingenda sunt. Calor † quidem auget conficitque cibum, atq; id quod leuitate præstat, ad se trahit & allicit. Id autē q; falsum & amarū est, propter grauitatē respuit. Quodq; corporib. externis calor qui extrinsec⁹ adhibetur, facit, idē in natura animatiū & eorū quæ terra edūtur præstat. Itaq; dulci succo alūtū. Adhibentur † a. cæteri saporēs eodē modo in alimētū

quo falsus & acidus, vt sint veluti cō-
dimēta, quæ ipsa admiscuntur pro-
pter repugnātiā, quod dulcedo præ-
ter modū alat emineatq; in summo.
t Quemadmodum † autē colores ex
albi nigriq; tēperatione existūt, sic
ex dulci & amaro saporēs. Ac sin-
guli quidem pro maioris & mino-
ris proportionē nascuntur, siue se-
cundum numeros quosdam mixti-
onis, siue etiā indefinite. Qui autē
(saporēs) mixti voluptatē afferunt,
hi in numeris tantum sunt. Ac pin-
guis quidē saporis dulcis est genus
quoddā. Salsus a. & amarus fere idē
sunt. Acer vero, austerus, acerbus, &
acidus his interiecti sunt. Fere enim
totidem sunt saporum genera quot
colorum. Septē enim genera vtra-
que ex parte cōstitui possunt, vt re-
ctē fuscum nigrum quendam colo-
rem esse dicamus. Ita relinquitur
flauum albi genus esse, vt pingue sa-
porem dulcedinis. Phœniceus au-
tem, purpureus, prasinus, & cœru-
leus medium locum inter albū ni-
grum-

grumque obtinent. Alii vero ex his mixti temperatique sunt. Atque ut nigror † in re perlucida candoris, sic # falsus & amarus sapor dulcedinis in humido nutritiuo priuatio est. Itaque † eorum omniū quæ exurūtur cinis amarulentus est, propterea x quod ex eis euauit id, quod potioni aptum erat. Democritus † vero y iique omnes fere Phisici qui de sensu differūt, absurdissimū quiddā faciunt. Omnia enim quæ sensus mouentia sunt, sub tactum cadere asseuerant. Quod si ita esset, profecto vnusquisq; alius sensus tactus quiddā esset. Quod fieri non posse facile intelligi potest. Præterea iis omnibus quæ omnium sensuum communia sunt, ut propriis vtuntur. Magnitudo enim, figura, asperitas & læuitas, præterea quæ sunt acuta & retusa in magnitudinibus, ea sensuum sunt: si minus omnium, at certe tactus & aspectus communia. Itaque circa hæc quidem errant (sensus) circa propria vero nō errāt ut aspe-

et circa colorem, & auditus circa
x sonos (nō fallitur) Hi † vero propria
(sensuū obiecta) ad hæc cōmunia re-
ferūt, vt Democritus. Is enim cādo-
rem & atrorem, hunc asperitatem,
illum læuitatem esse dicit. Sapo-
res etiam ad figuras refert. Atqui vel
nullius sensus, vel certe aspectus est
maxime communia internoscere.
Quod si forte gustatus est potius,
certe † ea quæ minimā sunt in vno-
quoque genere (communium ob-
iectorum) internoscere ad exactissi-
mum sensum pertinebit. Ita fit, vt
gustatum oporteat, etiā alia cōmu-
nia maxime sentire, & in aliis figu-
ris (præter eas quæ finguntur in sapo-
rib.) plurimum valere diiudicādo.
b Præterea † cum ea omnia, quæ sub
sensum cadunt, inter se contraria
sint, vt in colore candor nigrori
contrarius est, & in saporib. dulcis
amaro, tamē figura figuræ cōtraria
non videtur. Cui enim earum figu-
rarū, quæ multis āgulis constāt ea
quæ rotunda est, cōtraria sit? Iam cū

figuratum incertus infinitusq; sit numerus, † saporū etiam infinitus sit c
necesse est, quod sane fieri non potest. Cur enim aliquis sapor sensum afficiet, alius non afficiet? Ac de sapore, & re quæ gustatum mouet dictum sit. Aliæ enim saporum affectiones in ea parte physicæ, quæ de reb. quas terra fundit disputat, propriā habent disputationem.

Analyſis Logica C A P . 4

a Nunc ſequitur,) *Secunda pars tranſitionis qua proponit ſe deinceps de odore & ſapore dicturum addito argumento a pari.*

b Euidentiſſime autem eſt) *Comparat impariter ſapores & odores.*

c Propterea quod & hic) *Ratio imparitatis quia homo imperſectiore nactus eſt odoratum quam alia animantia. Tactu vero hiſ eſt ſuperior & perfectior. Iam vero guſtus eſt quidam tactus. Ergo guſtatum etiam homo habet perfectiorem quam odoratum.*

d Aqua igitur inſipida) *Diſputatio qua primum probatur, non recte ſentire eos qui putant ſimplex humidum aqueum eſſe actu ſubiectum proprium ſaporis. Si ſapor ſtatuitur ſequi naturā aquæ, non poteſt obtineri quod ſimpliciter oriatur ex aqua & ei inſit ſimpliciter*

ut proprio subiecto, quia tantū abest ut verū-
hoc sit, ut ipsa etiam propria natura aqua pro-
cul remota sit ab omni genere. Et excessu sapo-
ris quantoq; minus refert aliquid saporis, tanto
habetur melior. Non dat igitur aqua quod
non habet. Quare necesse est, ut unum ex
tribus his statuam, qui ita sentiunt: vel a-
quam &c

e Quod autem Empedocles,) Confutatio
primæ opinionis: Si saporēs omnes continentur
in aqua, necesse erit, ut decerpti ab arboribus
fructus nō mutant saporēs, cum aquā ex qua
saporē nouum concipere poterant, attrahere
iam desierint, neq; ex terra amplius alantur.
Sed manifestum est, fructus multos decerptos
mutare saporēs, ut qui prius austeri nec satis
maturi fuerunt, fiant deinceps dulciores & esui
gratiores. Ergo aqua seu aqueum humidū sim-
plex neq; potentia esse potest subiectum primū
saporis &c.

f Itemque fieri non potest,) Refutatio se-
cundæ opinionis. Si omnia saporum semina
separatim dispersa latent in aqua, ex una ea-
demq; parte aqua diuersi saporēs non poterūt o-
riri iuxta hypothesin huius sectæ. At certū est,
ex una eademq; aqua vel nutrimenti parte, qua
attrahitur ab aliqua arbore effici diuersos sa-
porēs, aliū in cortice, aliū in foliis, aliū in
fructibus. Ergo qui illam sequuntur, opinione
sua falluntur.

g Relinquitur ergo,] Secundo inferitur
vera

vera sententia. Restat igitur ut dicamus humidum aqueum esse quidem subiectum saporis sed aliquid perpeßum. Quicquid autē patitur a contrario patitur. Humidum igitur patietur a sicco.

b. Illud vero perspicuum est,] Cum duplex sit siccum, igneum & terrestre, ostendit non potissimum ab igneo sicco provenire saporē in humido aqueo, & simul tertiā opinionem refutat, negans ex simplici aqua per calorē tantum procreari saporē, cum siccitas terrestris necessario requiratur, permixta cum humido aqueo. Siccum caloris tantum est saporum. *τυχαιος*. *Διότι* hic talis est. Si saporē sunt ex aqua, quæ percoqnatur a calida efficiente causa utpote a sole, oportet ut aqua etiam ab ista causa incrassetur aliquantū, sicut omnia humida a calore magis incrassantur: & saporē requirunt subiectum crassiusculum, non simplicissimum humidum. Aqua autem nullo modo crassescit etiā valde excocta. Non igitur educuntur saporē ex aqua simpliciter, sed ex humido quod passum est a sicco.

ψυδρεῖς,) est humidū tale quod propter inopiā humiditatis viscosæ plurimū extēdi nequit.

i. Saporē vero qui in] Siccum terrestre potius esse efficiens saporis probat, primum a fructibus terra nascentibus. In his sunt saporē qui naturam terre referunt, ex qua nascuntur & aluntur; ex dulci enim dulces, ex salsa salsi procedunt & ipsi fructus aliquam crassitudinē sub-

stantie servant, in quo etiam terra naturā imitantur. Ergo siccum terrenum facit ad generationem saporis vi causa propinqua.

k Aquam talem, qualis sit] Secunda: a thermarum aquis que per terram sulphuream, aluminosam, bituminosam labuntur. Harū enim terrestrium rerum naturā & saporem referūt. Item a lixivio & fontibus.

l Humidum enim, ut etiam) Ultima probatio est. Aqua est *ἄχυρο*. Ut igitur capax fiat saporis est alteranda. Non autem fit alteratio nisi a contrario. At humido contrarium est siccum. A sicco ergo immutabitur aqua, & capax reddetur saporis. Iam sicci: as inest igni & terra. Quare a siccitate ignea patietur quidem aliquid, sed iamē quia terra est siccitas propria, terrestre siccum proprie ad generationem saporum pertinet.

m Ut igitur illic colores] Illustratio a simili sumto a fullonibus, pannos colore nuper infectos aqua abluentib. & tingentib. eos eodem colore.

n Estque sapor ea affectio,) Definitio saporis causalis

o Deducit enim sapor) Declaratio definitionis.

p Sapoies autem non) Sapor est *ἡδύς* alimenti. Alimentum omne est mixtum. Ergo & sapor *ἡδύς* mixti est.

q Horum enim causa est,) Saporem esse alimenti passionem probatur inde; quod alimentum destinatum est duplici vsui, augmento,
decre

decretionis q, & nutritioni. Augei ac diminuit
alimentum, quatenus est tangibile nempe cali-
dum vel frigidum. Calidum enim efficit exten-
sionem. Frigidum constrictionem. Nutritioni
seruit quatenus est gustabile. Dulcis enim sapor
arguit nutrimentum esse optimum & corpori
familiarissimum, siue sit solus, siue mistus.

r Calor quidem augei) Probaturs dulci sa-
pore prädita maxime alere. Calor perficit ac-
cretionem, coctionem & nutritionem. Semper
autem attrahit lenia optimeq, ex cocta graua
& terrestria relinquens, propterea quod illa
sint dulcia & vere alimenta, hac vero excre-
menta & reliquia alimentorū. Alimenta igitur
sunt dulcia.

s Adhibentur autem) Obiectio. Si dulci
nutrimur, cur alii sapes etiam adhibetur in
cibos? Respondeitur mixtura hac saporū fit, pri-
mo propter voluptatē, ut cibi fiant suauiores, ut
sint illi sapes velut condimentum. II. pro-
pter repugnantiam ut quasi retrahant ipsum
dulce, quod propter leuitatem a calore nativo
animalium facillime attrahitur & sic confer-
tim attrahū nimis nutrit & cū periculo, quod
in plethoricis corporibus patet.

t Quemadmodum autem colores) Se-
quūtur differentia & species saporum. He pro-
portione quadam cum speciebus colorum con-
ueniunt. Sapes extremi duo sunt, dulcis
& amarus. Reliqui extremorum naturam

participant, ideo dicuntur mediū & misti.

v Atque ut nigror) Dulcis habet se ut habuit, amarus ut privatio respectu ad recipiunt.

x Itaque eorum omnium) Probat in amaris esse dulcis privationē quia quæ exista sunt, id est, in quib. omne humidū dulce nutricans cōsumtum est, cinerem relinquūt amarum.

y Democritus vero ilque) Reprehensio est veterum physiologorum duplex. Primum enim reiicitur: Quod statuerunt omnia sensilia esse tactilia. Deinde quod non discreuerunt communia obiecta a propriis cuiusq. sensus, vel confuderunt propria cum communibus.

z Hi vero proptia) Qui confundit propria cum cōmunibus errat, Democritus id fecit. Ergo. Probatio maioris, Quia sensus circa propria obiecta non errat, circa communia errare potest. Obiectorum igitur confusio etiam veri & aberrantis sensus confusionem secum trahit. Et proprium obiectum cuiuslibet sensus est unum, quod a nullo alio sensu percipi potest. Communia vero a pluribus sensibus percipiuntur, quæ differentia certe est plurimi momenti. Probatio assumptionis. Quia colorem proprium obiectum visus absurde refert ad lenitatem & asperitatē, quæ sunt communia obiecta ad figuram pertinentia prius absurditate. Saporem proprium gustus obiectum ad figuram refert quæ commune est plurium sensuum obiectum.

a Certe ea quæ minima) Secunda ratio
contra

contra Democritum. Tactum cetera animantia vincimus. Est autem gustus tactus quidam. Ergo gustatus in hominib. prestans est. Secundum Democritum igitur minimas etiam figuras & harum discrimina sentiet exactissime, & alia itidem obiecta communia minime. At manifestum est quod talia nequeat indicare gustus, sed & figuras & quascunq. species sensiles communes exquisitissime visus sentit. Quare figura non sunt traducenda ad gustum neq. sapor ad figuras: alioqui sequeretur confusio non toleranda omnium sensuum & certitudinis cognitionum.

b. Præterea cum ea omnia,] Tertia ratio. Obiecta sensuum propria habent contrarietatem. Figura non. Ergo non sunt obiectum proprium ullius sensus; & per consequens neq. gustatus.

c. Figurarum incertus] Figura in infinitum variari possant ut numeri. Iam si sapor ad figuras reducuntur, ipsi quoq. erunt infiniti. Ex infinitis enim nihil constituitur finitum. Sed non sunt infinita saporum species. Ergo nec figura sunt, nec ex iis orta. Assumptio probatur. Si enim sunt infinita, nulla causa afferri potest, cur 7 illa genera ante memorata omnibus sint obuia & gustui notissima, ex aliis vero tam numerosis saporibus nullus unquam gustui oblatu fuerit.

ODORVM GENERA

ponit, ostenditque odori cum sapore
cognitionem quandam esse.

CAPVT V.

Eodē† autem modo de odori-
bus etiam iudicandum est.
Quod enim in humido sic-
citas facit, hoc in alio genere hu-
midum sapore præditum efficit, in
aere† & aqua eodē modo. In quib.
nunc quidem id, quod pellucidum
est,† commune dicimus. Verum o-
dorabile est, (pellucidum aeris & a-
quæ) non quatenus pellucidum est,
sed quatenus abluere & abstergere
potest sapidam siccitatem. Neque
enim† in aere modo, verum etiam
in aqua odoratus versatur, idque in
piscib. & iis, quæ testa obducta sunt,
animaduerti licet. Olfaciunt enim
cum† nec aer in aqua vllus sit (emi-
net enim aer cum inest) nec ipsi pi-
sces respirent. Quod si quis & aerā
& aquam humida esse ponat, profe-
cto

Et sapidi ficci natura in humido o-
dor erit, & tale erit odorabile. Affe-
ctionem† autem eam a re, quæ sapo-
porem habet, proficisci ex iis, quæ o-
dore prædita sunt, & quæ non sunt,
intelligi potest. Elementa enim, vt
ignis, vt aer, vt aqua, vt terra odore
carent, propterea† quod ea quæ ari-
da sunt & humida, saporis nullius
sint, nisi quid admixtū efficiat. Itaq;
mare quoniam sapore & ariditate
præditum est, odorem habet: & † sa-
les sunt odoratiores quam nitrum,
idque ostendit oleum ex eis eliqua-
tum. Nitrum autē terræ magis na-
turam imitatur. Præterea lapides
quoniam saporis nullius sunt, odo-
ratus sensum nō afficiunt: ligna au-
tem cum saporem habeant, odorē
efflant, atque eorum ea minorem,
quæ aquæ copia abūdat: præterea
eorum quæ eliciuntur e terra, aurū
quidem, quoniam omni sapore cā-
ret, nullius odoris est particeps.
Aes autem & ferrū odore sunt præ-
dita. Cum vero igne humor confu-

mitur, omnium feces, scorias Græci
vocant, minus redolent. Argentum
porro & stannum hæc odore vin-
cunt, ab illis ipsa superantur, quoni-
am aquea sunt. Videtur † autem nō-
nullis exhalatio quædam fumida o-
dore esse; quæ sit terræ aerisque cō-
munis. Atq; omnes cum de odore
differunt, ita sentiunt. Itaque Hera-
clitus in ea fuit sententia, vt omnia,
quæ in natura rerum sunt, si fumi
naturam induerēt, a naribus inter-
nosci posse diceret. Omnes † autē
cum de odore dicunt ita sentiūt, vt
alii vaporē, alii exspirationem, qui-
dam ytrunq; esse ponant. Inter quæ
est humiditas quædā. Fumosa autē
exhalatio, vt dixi, aeris & terræ cō-
munis est. Et † ex vapore quidē aqua
constituitur, ex hac quoddā † terræ
genus. Sed fieri † nō potest, vt odor
horum alterutrū sit, cum præsertim
vapor aqueæ naturæ sit, & exhalatio
fumi speciem præbens in aqua non
possit exsistere, & odoratui, vt ante
dictū est, in aqua locus relinquatur:
præ-

præterea † cum exhalatio eodem modo quo fluxio dicatur, profecto si nec illa recte, ne hæc quidem recte dicitur. Ac illud † quidem, nō est p
dubium, quin humidum in aere & aqua particeps fieri possit saporis sicci, ab eoque pati aliquid. Aer enim humidus est natura sua. Id vero † si similiter facit in rebus humi- q
dis & in aere, ea quæ eluitur siccitas, certe quædam inter odores ac sapores similitudo & cōparatio sit necesse est: imo vero in nōnullis ita accidit. Nam & acres & dulces sunt odores, & austeri & acerbī, & pingues, & amaris putidi ac cariosi quædam similitudine respondere dici possunt. Itaque quemadmodum illi gustatui cum capiuntur dolorem afferūt, sic cariosa omnia odore tetro sensum afficere solent. Ex † quo r
perspicuum est, quod in aqua sapor est, id in aere & aqua odorem esse, ob eamque † causam frigus & cōge-
latio tum saporibus labefactant, tum odores expellunt: præsertim † cum

calorem qui est causa efficiens, & author, frigus geluque deleat. Genera autem eorum, quæ odoratus sensum mouent, duo sunt. Neque n. ut aiunt quidam genera non sunt eorum, quæ sub odoratum cadunt, sed sunt, explanandum autem est, & quomodo sunt & quomodo non sunt. Quoddā n. eorū genus, secundum sapores, ut diximus, definitum est, voluptatemque ac dolorem per accidens habent. Quoniam enim eius, quod pro cibo esse possit, odor ille affectio est, desiderantibus quidē cibos, huiusmodi odores, delectationem afferunt, satiatis autem & nullo alimento indigentibus, nec iucundi sunt odores, imo vero nec ipsi cibi unde efflantur illi odores, ullam iis afferunt voluptatem. Ita hi quidem, iam ut dixi, per accidens voluptatem doloremque adferunt. Itaq; cōmunes sunt omnium animantium. Est vero & aliud genus odorum, qui per se ac vi sua voluptate afficiunt, ut ii qui efflātur e floribus

Neque

Neque enim magis neq; minus ad cibum inuitant, nec ciborum appetitum adiuuant, sed contra potius eum impediunt. Verum enim est id q; in Euripidem false dixit Stratis.

Cum lens loquitur, unguenti nil infundito.

Qui † a. immiscent poculis eiusmodi *δυνάμεις* (id est odores peregrinos) cōsuetudine voluptati vim afferūt, donec ex duob. sensib. cōtingat voluptas tanquā vna & ab vno (id est sensu). Atque hoc † quidē genus eorum quæ olfaciendi sensum mouent, hominis est proprium. Quod autem ex saporum varietate ductū est, id alia etiam animantia, vt ante diximus, attingit. Et illorū quidem genera, quoniam per accidens voluptatem adferunt, secundū sapes distincta sunt: horum non item, propterea quod eorum natura per se voluptatem pariat aut dolorem. Cur † autem talis odor proprius sit hominis, cerebri frigus causa est. Nam cum frigidum sit cerebrū natura sua, isq; sanguis qui circa ipsum

in venulis est, tenuis ille quidem & purus sit, sed facile etiam refrigeretur, sit vt nutrimenti exhalatio in eo loco refrigerata, rheumaticos morbos pariat, hac sane de causa hoc genus odorum ad valetudinis præsidium hominum generi datum est. Neq; enim aliud eius munus & opus est, idque perspicue exsequitur. Nam cum cibus & aridus & humidus, qui etiam voluptate sensus mouet, sæpe morborum causas adferat, is tamen qui propter odorem, qui per se suavis est, iucunditatē habet, vtilitatē semper feret hominib. vtcūq; se habeāt, afferre solet. Ob eamq; causam respiratione sensus eius oritur nō omnibus, sed hominibus, & eorū, quæ sanguinē habēt quadrupedib. iisq; ōnib. quæ aeris natura magis vtūtur.

b Nam † cum ad cerebrum odores leuitate caloris, qui in eis inest, ferantur, tum magis valent cæ partes, quæ eo loco continentur, præsertim cum odor suapte natura vim caloris habeat. Natura autē † respirationis v-

sum

sum duabus de causis adhibuit, præcipuã quidem ob causam ad pectoris præsidium: accessorio autẽ quodam usu, & obiter ad odorem. Cum enim respiratur, quasi tráfitu quodam per nares motum affert. Proprium † est *d* autem hominis naturæ hoc genus odoris, propterea quod maximum, & humidissimum habeat cerebrum, secundum proportionem suæ quantitatis ad cætera animantia. Ob eam enim causam solus homo ex animantibus sensum habet, voluptatemque percipit odorum, qui e floribus aliisq; eiusdem generis efflantur. Modum enim quendam & temperationem affert eorum & calor & motus humori ac frigori, quorum pars illa copia abundat. Aliis autem animantibus, quæ pulmonẽ habent per respirationem, alterius generis odoris sensum natura dedit, vt ne duas sensus sedes faceret. satis enim est, quoniam respirant, vt respirãdo, quemadmodum homines vtriusque eorum quæ odoratum mouent, sic hæc

e alterius tātū sensū habeāt. Quæ† a.
nō respirāt, ea q̄ sensum habeāt o-
dorabiliū manifestū est. Nā & pisces
& ōne genus insectorū exacte & ex
lōga distātia odorātur ppter genus
odoris q̄ ad victū ptinet, tū cū pcul a
pprio suo alimēto absunt: vt apes cir-
ca mel faciunt & lōgarū formicarum
genus, quas nōnulli culices vocāt, &
inter æquorea purpuræ, multa q; a-
nimaliū eiusdē generis, acré sensum
habēt nutrimēti propter odorē. Sed
f quo† sentiant, non ita perspicuū est.
Itaq; quæri potest, qua re odoris sen-
sum habeāt, si q̄ dē in iis quæ respirāt,
odoris sensus vno modo reperiatur:
Hoc n. in iis omnib. quæ respirāt, vi-
detur cōtingere. Illorū v. nullum re-
spirat, quamq̄ sensum habent odo-
ris: Nisi forte quidam alius sensus
præter quinque esse ponatur, quod
fieri non potest, quippe † cum odo-
ratus in re quæ odoratum mouet
versetur. Illa vero odoris sensum ha-
bent, non tamē eodem fortassis mo-
do, sed iis quæ respirant, spiritus cum
ducitur

ducitur id quod tegit quasi quoddam opérculum adimit, ob eamque causam nihil olfaciunt nisi respirent. Iis autem quibus respirandi non est datum beneficium, hoc ipsum negatum est, quæadmodum † oculis contingit, in quibus quædam animalia palpebras habent, quæ nisi aperiuntur, cernere non possunt: alia autem iis carent, ea quæ oculos corneolos habent. Itaq; nihil requirunt, quod oculos aperiatur, sed cernunt statim, ex eo spatio, ex quo eis despiciendi facultas concessa est. Eodemq; † modo alia animantia omnia eorum, quæ per se tetri odoris sunt, odore nihil offenduntur, nisi forte vim interimenti habeat. Ab iis autem quæ eam vim habent, non secus offenduntur, atque homines carbonum vapore capite dolent, & intereunt sæpenu-mero. Sic sulphuris & bituminis vi & rerum bituminosarum interimuntur alia animalia, eaque fugiunt propter malum quod afferunt. Alioqui odore qui per se iniucundus est, o-

mnino non mouētur, quamquam multa eorū quæ gignūtur e terra, terti odoris sunt, nisi ad eorū gustum & pastum pertineāt. Cæterum sensus olfaciendi, † cum impar sit sensuum numerus, & impar numerus medio quodā cōstet, videtur & inter eos qui tactu munere suo fungūtur, vt tactus & gustatus, & inter eos qui alia inter interiecta re munus suum exsequuntur, cuiusmodi sunt aspectus & auditus, medium locum obtinere. Itaque id quod odoratum mouet, quædam est eorum, quæ ad victum pertinent, affectio. Hæc autem vnū quoddam genus constituunt. Itemque eorum, quæ sub auditū & aspectum cadunt. Itaq; & in aere & in aqua odoris sensus percipitur. Ita fit, vt ea quæ odoratum mouent, quiddam commune cum vtroque horum habeant, quod etiam & in ea quæ tactu, & in ea quæ auditione percipiuntur, & in res pellucas cadit. Quocirca recte per quandam similitudinem traditum est, id quod odoratui subiectum sit, quasi

quasi quandā siccitatis in humido
& fusili esse tincturam quandam &
loturam. Quo † igitur modo dicēda
sint, quoq; modo dicenda non sint
eorum genera, quæ odoratum mo-
uēt, hactenus dictum sit. Quod au-
tem † nonnulli Pythagoræi tradūt,
nōnulla esse animalia, quæ odore
victitēt, id non est consentaneum;
Primum † enim cōpositū alimētū
esse oportere cernimus, etenim † ea
quæ nutriuntur nō sunt simplicia.
Itaq; † excremēta sūt vel in ipsis (nū
tritis) vel extra ea, quod plantis ac-
cidit. Deinde ne † aqua quidem ipsa
sola, nisi sit admixta, alendi vim ha-
bet. Corporeum enim quiddam sit
oportet id, quod coagmētari & co-
gi debeat, præterea multo minus
cōsentaneū est aera in corpus cogi
atque coalescere. Quod † etiā hinc
sciri licet, quia omnib. animantib.
locus cibus recipiēdis datus est, ex
quo trahendo corpus accipit. Eius
autē † quod odoratū mouet, in ca-
pite sensorium est. Et quoniā cum

spirituosa exhalatione introit, fit ut ad locum respiratiōis ire debeat. Ac illud † quidem perspicuum est, odorabile, quatenus odorabile est, nihil prodesse ad nutritionem. Ad valetudinē autem conducere, & sensu perspicui potest, & ex iis quæ dicta sunt. Itaq; quā vim habet sapor in eo quo vescimur, & ad ea quæ aluntur, eandem etiā id, quod odoratū mouet, ad valetudinem obtinet. Ac ‡ sigillatim quidem de vnoquoq; sensu dictum sit hoc modo.

Analysis Logica C A P . 5

a Eodē autem modo] Comparat inter se odores & sapes similitur. Sicut siccum terreum producit sapes in humido: Ita sapidum humidum producit odores in sicco. Efficiens causa procreās odorū est humidum siccum, praesertim igneum est dicitur odorū, id est, in sicco sapido inest odor tamquam in primo subiecto. Efficiens saporū est terreum siccum, subiectum in quod agit est humidum.

b In aere & aqua] Media per quae species odorabiles diffunduntur & deferuntur ad sensum, & velut secundaria subiecta odorū aer & aqua.

c pellu-

c pellucidum est,) Cōmune aeris & aqua adiunctū pelluciditas qua videtur esse cōditio sine qua nondiffūdi possit fumosa exhalatio.

d Neque n. in aere) Aquā esse diximus odoris probat effectu scilicet olfactione adiuncto-
rū piscium.

e Nec aer in aqua) Solutio obiectionis : quod pisces olfaciant, intervētū aeris, qui in aquis sit, vel quod eo aere odorentur quo ad respirandū utuntur : per insiciationem. Aer in aqua nullus est, & pisces prorsus non respirant. Ergo olfaciunt per aquam.

f Affectionem autem eam) Probatio : quod odor non nisi a sicco sapido oriatur, ab exemplis sumta partim eorum, quae odore praeclata sunt, partim eorum quae non sunt.

g Propterea quod ea) Ratio a genere. Quaecūq; insipida sunt, etiam sunt inodora. Odor igitur requirit eandē humiditatem cum sicco con-
temperationem quam sapor.

h Et sales sunt) Comparatio imparium. In sale humiditatis plus ac melius est commixtum cum sicco, quia abundantiū & tenuius oleum continet quam nitrum. Ergo praevalet sapor & cer consequens etiam odore. Nec vero aut sapidus aut odoratus esset, si esset tantum siccus.

i Videtur autem nonnullis) Confutatio veterum Philosophorum, qui odorem docebāt esse vaporem aut exhalationem aut aliquid ex utroq; mistum.

k Omnes autem cum) Divisio opinionum,

l Et ex vapore quidem] Id est, Vapor facilius in aquam cogitur, & est quasi aqua rarefacta.

m terræ genus] Id est, fuligo quadam terrestri: est enim terra quadam rarefacta.

n Fieri non potest] 1. Opinionis refutatio.

Vapor sit ex aqua simpliciter, quatenus aqua est, non quatenus odore prædita est. Odor autem non sit ex aqua, simpliciter, sed ex aqua quæ habet in se mixtionem saporis siccæ. Ergo odor non est vapor.

w Vapor aqueæ naturæ] id est, humidus sit.

o Præterea cum exhalatio] Secunda opinionis refutatio. 1. In aqua sit odoratus & est odor. In aqua autem non est exhalatio. Ergo exhalatio non est odor aut pars substantiæ eius. Odor siquidem est *ἰσχυρὸς*, at exhalatio est substantia. 2. Odor non est defluxus corporeus. At exhalatio est defluxus corporeus (græcè *ὑποπόσια*) ideoque substantia. Ergo exhalatio non est odor. Argumentum repugnans generi. Vel nullus defluxus est odor. Exhalatio est defluxus. Ergo exhalatio non est odor. Vel omnis exhalatio est defluxus. Odor non est defluxus. Ergo odor non est exhalatio.

p Ac illud quidem] Conclusio huius *ὑποπόσιας*, quæ docuit, unde oriatur odor, & in quo sit subiecto hæc qualitas.

q Iam vero si similiter] Sequitur proportio odorum ad vapores ex similibus causis, 1. quoad naturas & appellationes.

r Ex quo perspicuum est,] 2. Quoad subiectum valde cognatum.

Eamque causam frigoris] 3. Conuenientia quoad

quoad causas labefactantes & corrumpētes, unde
 & contraria, efficientes, mouētes & acuentes intel-
 liguntur. Contraria enim contrariorum sunt con-
 sequentia. Calidum efficit, mouet, acuit sapes &
 odores. Contra frigus utrosq; vel minuit vel tollit:
 Oppositorum solent esse opposita causa.

i Præsertim cum calorem) Ratio. Quod potest
 causam tollere, tollet etiam effectum. Frigus potest
 tollere causam efficientem odoris & saporis. Ergo
 tollet etiam effectum ipsum odorem & saporem.

v Genera autem eorum) Sequitur Distinctio
 odorum in quasi species. Est enim distributum ex
 adiunctis. Alii grati sunt & suaves. Alii ingrati
 & insuaves. Vel ex effectis: Alii voluptatē, alii do-
 lore afferunt. Idq; vel per se vel per accidens. Per
 se absq; relatione ad nutrimentū, per accidens pro-
 pter alimentum.

x Qui autem immiscet) Brevis digressiun-
 cula. Obiter enim reprehendit luxum illum, quo
 alimenta adulterantur peregrinis odoribus: quasi
 violentis. Violentum enim est & παρὰ φύσιν odo-
 res in alimentis requirere & appetere hominem.

y Atque hoc quidem genus) Homo est subie-
 ctum ad quod, seu finis ē odorum per se delectan-
 tium. Vñ vero alterum per accidens homo ha-
 bet communem cum brutis. nemo enim facile ci-
 bos fætidus assumerit aut male olens vinum.

z. Cur autem talis odor) Cur odorum illud
 genus, quod simpliciter delectat, homini pro-
 prium sit explicat, nempe ut cerebri frigiditatem
 temperet, fluxionum pericula auertat, grauedinē

emendat. Finis igitur est eorum, bonae temperiei cerebri conservatio aut restitutio.

a semper hominib. fere) In græco est ὡς αἰσῶν id est, ut sic dicamus, id verū fere.

b. Nam cū ad cerebrum) Redditur causa quā odor ille cerebri frigiditatem possit temperare.

Quia odores habent facultatem naturalem calefaciendi. Argumentum ab efficiente natura.

c Natura autē) Duplex ostenditur usus respirationis; I. Cordis, quod in pectore sitū est, calor ut refrigeretur, data est homini respiratio. Hic princeps usus est. Ideo dicit ὡς ἱεργὸν πρῶτον id est principā ob causam; II. Data est ob susceptionē odoris. Hic usus est minus princeps seu est accessorius. Ideo in Græco est ὡς παρρηγὸν δευτέρου.

d. Proptiū est autē) Repetitur causa cur primi generis odores homini concessi sint, & additur cur brutis respirantibus natura dederit usum odorū alterius generis.

e Quæ autem non respirant) Docetur hic etiā animalia non respirantia odorari, & probatur exemplis.

f Sed quo sentiāt) Dubitatio seu ἀπορία quo organo vel qua etiā potētia animalia nō respirantia sentiant odores. Responsio seu ἀντίρρῳ est. Idem est sensus olfaciendi in respirantib. & nō respirantibus, quia obiectū in omnib. olfacientibus est unū videlicet odor. Ergo sensus quoq; unus hic est in animantib. quæ odorē persentiunt. Sensus enim distinguuntur per obiecta. Ex parte

parte tamē sensorii seu organi quēdā apparet
diuersitas in modo agendi vel recipiendi odores.

g Quippe cum odoratus) Odoratus obiectum
est odorabile. Qua vero respirationem non habet
etiam sentiū odorabile. Ergo odoratus idem cum
reliquis genus habet. A pari subiecto.

h Quemadmodum oculis) Illustratio diuersi-
tatis huius organi olfactus a simili, ducto ab oculis.
Atq; hic est similitudinis ~~causa~~ ^{causa}. Apud
intellecta hac est. Sic etiam animalia, quibus sen-
sorium odoratus non est reiectum, statim olfaciunt,
cū aliquid odorabile ipsis obiicitur nec indigēt
apertione aliqua organi. Vt ergo visus differt
in videntibus, ita olfactus in olfacientibus.
Sed visus differt tantum illic modo. Ergo &
hic olfactus.

i Eodemque modo alia) Alia questio. Cum
bruta non capiant voluptatem ex odoribus per se
gratis, queritur an offendantur seu dolorem ca-
pian ex odoribus per se ingratis? Responso est ne-
gata. Contrariorum enim est eadem ratio, & con-
trariorum contraria sunt consequentia. Itaq; si
per se malis offenderentur, per se bonis quoq; gau-
derent.

k Cæterum sensus) Noua propositio. Recte vi-
detur olfactus collocari in medio reliquorū qua-
tuor sensuum, quia habet cum omnibus aliquam
communionem & cognationem. Nam odoratus
fit in aere & aqua, in quo cū visu & auditu cōue-
nit. Multi odores nutrimentales sunt, ac proportio-
nati saporibus, in quo cum gustu conuenit. Est eti-

am odor passio humidi ac sicci. Humiditas autē & siccitas sunt qualitates tactiles, in quo odoratus convenit cum tactu.

l Quo igitur modo] *Conclusio.* Dicitur esse per se esse species duas odorū vivādes & durādes, proprias homini, per accidens esse plures species, quarū denominationes secundum sapes facta sunt, quæ nec delectant nec offendunt animalia, nisi quatenus sunt πάλος η πῶς ἡπια λῶσι.

m Quod autem nonnulli] *Alia questio sequitur.* An odores nutriant? *Responsio est negans.*

n Primum enim compositum] *ipsoa* *Questio* nis, & quidem hic prima est ratio. Corpora quæ nutriuntur sunt cōposita. Ergo nutrimenta quoq; quib. alūtur & conservātur, sint talia necesse est. *Valeat consecutio.* Quia similia similibus augentur & conservantur. Porro nutrimenta sunt composita. Odor non est compositum quid. Non enim est mistum sed passio misti. Ergo non nutrit. *A negata causa.*

o Etenim ea quæ] *Ex iisdem* nutriuntur corpora, ex quibus constant. Constant autem ex elementis mistis. Ergo ex iisdem nutriuntur. *A pari.*

p Excrementa fiunt velin] *Secunda ratio.* Omnia nutrita colligunt excrementa. Hæc autem ideo segregātur a natura, quia inutilia sunt ad nutritionem, & dissimilia bono alimento. At pō potest fieri segregatio partiū dissimiliū, nisi in cōpositis. Ex odorib. nulla possant colligi excre-

mēta. Ergo odores nec sunt cōpositū aliquid, neq;
habent vim alendi.

q Deinde ne aqua] Tertia. Quidquid nutrit
oportet esse corpulentiam & habere consistentiam.
Nā corpora non nutriuntur qualitatibus: quod ad-
co verum est, ut ne aqua quidem sola etsi cor-
pus est, & corpulentior quam aer, apta sit ad nutri-
endum (multoq; minus aer) cum in ipsa frigiditas
& humiditas excellant, consistentia vero terrea
sit minima. Odor non est corpus, sed qualitas corpo-
ris certo modo temperati affectūq;. Ergo non potest
nutrire.

r Quod etiam hinc] Quarta. Omne nutrimentū
recipitur in ventriculū. Odor non, quia in caput.
Ergo non est nutrimentum. A repugnante subiecto.

s Eius autem quod) Odor una cum aere seu spi-
rituosa exhalatione in corpus recipitur. Aer autem
in thoracem respirationis locum recipitur. Ergo
huc potius odor, ubi ad nutritionem nihil faciet,
quā in ventriculum abibit.

t Ac illud quidem) Quinta. Propria species odo-
rum quæ per se dicuntur, nihil ad nutritionem cōse-
runt. Cetera nutrimentorum bonitatem per acci-
dens commendāt duntaxat, malitiam autem mani-
festāt animalib. itidem per accidens. Nulli igitur
odores nutriunt. Quis igitur finis eorū? Valetudo,
quam conservant contemperando cerebrum, refici-
endo spiritus, animi defectui succurrendo.

v Ac sigillatim quidem) Conclusio omnium,
quæ hactenus explicata sunt.

AN QVÆ SENSVS MO-

uent, infinite secari possint, nec ne &
quonam modo.

CAPVT VI.



uari † autē hoc loco licet, si omne corpus infinite secari potest, an passionēs sensibiles etiam possint (infinite diuidi) nec ne, ut sunt color, sapor, grauitas, leuitas, durities, & mollities? Est enim vnum quodque eorum sensus efficiens, praefertim cū ex eo omnia dicantur, quod sensum mouere possint. Ita necesse est si vis ipsa, etiā sensum infinite diuidi, & omne, quod cadat sub sensum, magnitudinem esse. Fieri † enim non potest, ut cādor cernatur, quia magnitudo quoque videatur. Si † enim ita non est, corpus aliquod esse poterit, quod nec colorem habeat nec grauitatem, neque vllam aliam talem affectionem. Itane sub sensum quidē cadet omnino, hēc enim sunt sensibilia. Quod ergo † sensum mouet, concretum erit ex

iis quæ sensui non subiiciuntur. Atqui illud necesse est: Neq; enim ex mathematicis rebus constare vlllo modo potest. Præterea † quo tandem hæc ipsa iudicabimus & cognoscemus? An mēte? At intelligibilia nō sunt, nec mens intelligit ea, quæ extra (ipsam) sunt, nisi cum sensu coniuncta sint. Simul vero si hæc ita sunt, iis, qui magnitudines indiuiduas faciūt, assentiri videntur. Sic enim ratio explicabitur. Sed fieri non potest. De his autem in libris de motu dictum est. De † eorū autem explicati-
one vt dicamus, hoc etiam simul perspicuum erit, quamobrē certo numero conclusa & terminata sunt genera colorum, saporum, sonorū, aliarumq; rerum quæ sensum mouent. Quorum enim extrema sunt, eorū mediæ partes finitæ sint necesse est. Extrema autem sunt contraria: & omne sensibile habet contrarietatem, vt in colore album & nigrum, in saporibus dulce & amarum, atq; etiam in cæteris omnib. extrema contraria sunt. Ac cōtinuum quidem infinite in partes inæquales

secatur, in partes autem certo numero determinatas. Quod autem per se non cōtinuum est, in species finitas diuiditur. Quoniam igitur $\omega\alpha\eta$ (sensibilia) in speciebus numerāda sunt, estq; in his etiam semper cōtinuatio, supponendū est, quod sit aliud potētia esse, & aliud actu esse. Ob eamque causam fugit aciem oculorum millesima pars milij, cum cernitur, etsi aspectus totam milij magnitudinē percurrit: Sonusq; is, qui in die si est, auditum fugit, & quāquam ipse totum cantum, & continuū exaudit, tamen interuallum, quod interiectum est inter extremos, non percipit. Quod de aliorū, quæ sensum mouēt, minimā quaq; parte iudicandum est eodem modo. Eæ † enim partes (minimæ) potentia sunt visibiles, actu autem, cum separatæ sunt. Etenim pedalis linea potentia inest bipedali, actu vero (est pedalis) iam diuisa. Separatæ autem tantillæ præstantiæ recte in ea, quæ eas continent, dissoluuntur, non aliter ac si succus exiguus in mare infusus sit. Sed † quoniam sensationis exsuper-

rantia per se non est sensilis, ne si
separatur quidem (exsuperantia enim
potentia inest in exactiore) fit, ut neq;
tātillum, sensile separatū actu percipi
possit, sed simul erit sensibile: Iam
enim potentia est, & actu erit, si adiici-
atur. Ac illud quidem docuimus, esse
magnitudines affectionesq; quasdam
quę sensus fugiāt, & cur ita fiat, & qua-
tenus sensu percipiātur & quatenus nō
percipiātur. Cū a. in eo (in magnitudine
aliqua) tot erūt particulæ (minutæ) ut
etiā actu sentiātur, nec solū in toto sed
etiam separatim, quæ ex parte numero
finitæ sunt, necesse est numero etiam
cōcludi & colores, & sapes, & so-
nos. Quærēt a. aliquis, an vel sensibi-
lia vel motiones a sensibilibus factæ
(quocūq; tādem modo sensus fiat) quādo
agūt, ad mediū primū perueniāt? id
q̃ odor & sonus facere videtur. Nā
& † is, qui ppior est, prior etiā odoris
sensum percipit & sonus ad auditum
post ictum peruenit. Quæti ergo po-
test, itane res habeat in iis, quæ sub
aspectū cadūt, & in lumine. Que mad-

m modum † etiam Empedocles ait, prius lumen id, quod sol effundit, ad mediū, quam ad oculos aut terram peruenire. Quod quidem non iniuria euenire videatur. Nam † cum id quod motu cie-
n tur ex aliquo in aliud moueatur, fit vt tempus sit aliquod, in quo illud ex alio in aliud mouetur. Cumque tempus omne diuidatur, erat, cum nōdum cerneretur, sed in medio aere radius adhuc ferretur. Quod † si omnia audiunt simul & audierunt, ac in genere & sentiunt & senserunt: etiam non est eorū generatio, sed nihilominus, sunt simul absque eo, quod fiant aut generentur. Nihilominus in sono hoc animaduerti licet, facta iam plaga nōdū aures pulsare & ferire: idem manifestat & literarū figuratio, quasi quædam latio in medio fiat. Neq; enim id quod dictum est, exaudisse videmur, ppter ea, quod
p aer impulsus transfiguratur. An † igitur ita res habet in colore & lumine?
q Neq; † enim ex eo quod quodam modo affecta sunt, hoc cernit, illud cernitur, quasi æqualia sint. Nō enim alicubi
alter

alterutrū esse oporteret, quippe cum in iis, quæ æqua & paria sunt, nihil referat, sintne propinqua inter se an remota. An cōsentaneum est, hoc ipsum in sonis & odorib. contingere? Habēt enim sicut aer & aqua cohærentē naturā, sed tamen vtriusque eorum motus partibus constant. Itaq; fit vt idem, (eundem fonū vel odorem) primus & posterior exaudiat & odoretur, fit etiā vt non idem. Vnde hæc etiam nonnullis dubitationē afferunt. Negant enim fieri posse quidam, vt alius idē audiat cernat & olfaciat, quod alius. Non enim multos & remotos inter se idem audire ac olfacere posset. Vnum enim ipsum a se distractum alienumq; esset. Vel † certe ea res, quæ prima sensum mouet, vt tintinnabulū & thus, & ignē, eādē vnāque numero, omnes sensu percipiunt. Quod vero attinet, ad eā quæ singulorum iam propria est, eam aliam numero, speciei autem eiusdem sentiunt? Itaq; multi simul & cernunt, & olfaciunt, & audiunt. Sed hæc ipsa nec corpora sunt, verum affectiones.

quædam & motus (neque enim hoc eveniret) nec sunt tamen absq; corpore. De lumine vero alia ratio est. Lumen enim quia est, sentitur. Nec vero eadē ratio est alterationis & loci mutationis. Loci enim mutationes recte in medium primo perueniunt: & sonus motus quidam videtur esse rei alicuius quæ deferatur. Quæ autem alterantur non iam ita habent: fieri enim potest, ut vniuerse & confertim aliqua cōmutetur, non dimidia pars primo, ut aqua simul congelatur. Quamquā si qua res magna concalefacienda est aut cogēda, ea pars quæ propinqua erit, a propinqua affici solet, & a re quæ vim habet commutandi, primum mutatur: neque necesse est simul totam immutari. Atque etiam sapes eandem vim haberēt hac in parte, si in humore versaremur quā odores, quos etiam longiore interuallo antequam tangeremus, sentiremus. Rationi autem consentaneum est, quod ii sensus, quorū sensorium habet † medium, non simul (cum medio) afficiuntur, præterquam circa
lumen

lumen, propter causam dictam. Et propter hoc (lumen) etiam circa visum: lumen enim efficit cur videamus.

Analysis Logica CAP. 6.

a Quæri autem hoc loco) *Questio. An quemadmodum nulla est tam exigua quantitas corporis, qua sensum prorsus fugiat: sic etiam nullum sit tam exiguum sensile, quin sensum tamen afficere possit? Primum in utraq; partem disputatur. Deinde explicatis dubiis veritas patescit.*

b Fieri enim non) *Primæ ratio, quæ videtur probare \propto ad infinitum sensilia infinite dividi posse, cum nusquam sint, nisi in magnitudine, seu in corpore quanto. Cum igitur omne corpus sit dividuum, non videtur, quod ista sensilia sint expertia eiusdem divisionis. Exempli causa, si minimus color est visibilis, etiam minima magnitudo est visibilis, quia nunquam color est sine corpore subiecto. Consentaneum autem est minimi colorem habere in minimo etiam subiecto.*

c Si enim ita non est,) *Secunda. Si non sunt semper dividua illa \propto ad infinitum una cum magnitudine corporum subiectorum, sed divisione ac diminutione magnitudinis ipsa evanescent & intereunt, maximè sequetur absurdum. Quacumq; sentiuntur, sentiuntur propter sensiles qualitates. Corpusculum ad minimam redactum exilitatem*

carere dicitur illis qualitatibus. Ergo non sentietur. Sed absurdum est cogitare, ullum corpus esse, quod nec graue nec leue nec coloratum sit, nullaq; affectione praditum, qua sensibus percipi possit.

d Quod ergo sensum) Tertia. Si propter maiusculā quantitatem corpora sunt sensilia, quia scilicet in ea quantitate remanent $\frac{1}{1000}$ sensilia: sequetur ex minimis illis insensilibus oriri corpora sensilia: quod, est aduicium. Non enim oportet principia esse e principijs orta hoc modo discrepare.

e Præterea quo tandem) Quarta. Perspicuum est, datum corpus absq; sensilibus accidentibus nō posse sensu cognosci. Ergo incognitum erit. Cur autem $\frac{1}{1000}$ quomodo dicitur corpus si incognitum est? Sed fortasse mente cognoscetur? Minime. Hec enim nihil extra se positum absq; sensus adminiculo intelligit. Hoc autem hic nullum est.

f De eorum a.) Explicatio vera sententia. Species sensiliū sunt finita, nec in infinitū diuisibiles. Ratio. Quorū extrema finia sunt, eorū media quoq; finita sunt. Omnium a. sensiliū extrema sunt finita, $\frac{1}{1000}$ contraria sunt species extrema. Ergo media etiā finita erunt: $\frac{1}{1000}$ vi consequentis, species omnium sensiliū sunt finita.

g Ob eamque causam] Exemplis declaratur quantum sit discrimen inter ea, quæ sunt actū $\frac{1}{1000}$ $\frac{1}{1000}$ quæ potentia. Actū existēs $\frac{1}{1000}$ separata a toto grano milii pars millesima, est sensilis, $\frac{1}{1000}$ conspicit

spici potest per se. Potentia vero tantū existens in ipso grano non est conspicua, nisi potentia.

h Ex enim partes) *Comparatione illustratur*, quomodo partes qualitātū sensilium, quæ sunt in continuo, nō sentiantur aētū, sed tantū potestate. Nam & partes continuæ sunt in potētia tantū, sed a cōtinuo vel toto separate sunt in aētū. Idem hoc etiam sensilium partibus accidit. Ac licet etiam totum aliquod sensile sentiatur: latet tamen qualibet eius partium, cum sint potentia tantum in toto.

i Sed quoniam sensibionis] *Sententia est*. Etsi maxime exile sensile non evanesceret aut dissiparetur in continētē aquam vel aerem, sed maneret separatum, tamen per se non sentiretur. Ratio est. Quia quando sensile est minus & imbecillius, tanto minorem etiam in sensu efficit mutationem. Si vero minus exile est, prorsus non sentitur. Quia virtus sensitrix non crescit infinite.

k Quæretur aliquis) *Novæ Questio. An omne sensile prius afficiat mediū quā sensum necne? Cōcluditur hac affirmative.*

l Nam & is qui propior est) *Ratio prima. Eadem videtur esse analogia omnium obiectorum ad sensum suum. Odor a. & sonus secundum tempus prius sunt in medio quam in sensu. Quare de cæteris ut de lumine & colore idem fiet.*

m Quemadmodum etiam] *Secunda ab auctoritate Empedoclis*

n Nam cum id quod) Tertia, Omnis motus qui sit ex imo in aliud, sit in tempore, lumen deferitur a lucido corpore ad visum. Ergo in tempore ita deferitur: Et per consequens prius fertur in medio quā ad oculū pertingat.

o Quod si omnia] Refutatio cuius sententia est: Si quis existimat omnem sensationem fieri absq; tēpore, is errat. Cur enim id sono id ipsum nō accidit? cur prius videmus motū lingue in loquētibus, quam sermonē recte percipiamus? Repugnant igitur exempla soni & sermonis.

p An igitur ita res] Repetitur prius dubiū.

q Neque enim ex) Responsio ad propositā similitudinem. Et si videri poterat eadem esse ratio de colore, quæ est de sono & odore, tamen non est eadem sed multum differens.

Vel certe ea res) Responsio vera ad hanc interiectā questionem. Quæ species sensiles nō existūt nec sentiuntur sine incitatione quadam & motu locali, illa sunt prius in medio quā in sensu. Cū igitur soni & odoris species multiplicentur per motū & immutationē aeris, nō possunt subito pertransire totū spatium medium inter sensum & obiectum. Necessario igitur prius sunt in medio quam in sensu. Quæ vero motu tali non egent, non prius sunt in medio quam sensu, sed simul in utroque, ut lumen & color, quia sunt actus perfecti, nō qui fiunt, sensumq; statim mouere possunt. Dissimilitudo igitur sensilium specierum manifesta est.

1 medium] Intellige medium externum.

OMNIA SENSVM MO-

uentia secari posse, nihilque quod se-
cari diuidique non possit, sensu
percipi posse.

EXistit † etiam quædam alia
quæstio de sensibus, vtrum
duæ res simul eodem, eoque
indiudivo tempore sensu percipi,
necne possint? Maior † quidem mo-
tus ac vehementior, minorem ob-
scurat & obruit. Itaque siquid ocu-
lis obiiciatur, id percipere & senti-
re non solemus, quoties acriter ani-
mum in aliquam rem intendimus
vel pertimescimus, vel magnum so-
nū exaudimus. Idque positum sit.
Illud etiā, nos vniu scuiusquerei cū
simplex est magis sensu affici, quam
cum permixta & concreta est, velu-
ti vinum merum quam dilutum, &
mel simplex, atque color facilius
sensus nostros afficiunt, itemq; nete
sola, quam cum est in modo, qui dia-
pason nuncupatur, propterea quod
aliud ab alio obruitur. Hoc autem

ea faciunt, ex quibus vnum aliquid efficitur. Si igitur maior motus minorem obscurat, eundem necesse est, si coniuncti sint, minus quam si solus esset sensum mouere & afficere. Aufert enim aliquid minor cōmixtus, siquidem simplicia omnia plus ad mouendos sensus valent. Quod si forte pares sint atq; diuersi, ne alterius quidē sensus erit, præsertim cum alter alterum æque obruat & obscuret. Simplex autem nō æque sentiri potest, ob eamque causam vel nulla sensio orietur, vel alia ex ambobus: quod quidem fieri videtur ex rebus, quæ permiscētur, quatenus mixtæ fuerint. Quoniam igitur ex quibusdā aliquid nascitur, ex aliis nō nascitur, cuiusmodi sunt, quæ diuerso sensui subiiciuntur (permiscentur enim ea, quorū extrema cōtraria sunt, ex albo autem & acido vnum fieri non potest, nisi per accidens, nec tamen vt ex acuto & graui concentus) fit vt ne eorū quidem

dem sensu vna affici possimus. Motus enim si pares sint, alius aliū obruit, quandoquidem non vnus ex iis componitur. Sin impares sint, vehementior sensum faciet. Præterea facilius† duas res simul animus vno sensu percipere potest, quorū vnus est sensus, vt acutum & grauem sonū. Magis n. simul vnus, quā duorū sensuū, vt aspectus & auditus, motus existit. Vno autē sensu duæ res simul percipi non possunt, nisi inter se misceantur. Permixtio enim vnum quiddam vult esse, & vnus vnus est sensus, vnus porro simul idem est. Ita fit vt ea, quæ permixta sunt, simul sentiātur necessario, q̄ vno sensu q̄ actu sentit, percipiātur. Vnius†.n. numero vnus est sensus actu: vnus specie, vnus est sensus potentia. Quod si vnus sensus est actu, sentiens pro vno habebit illa (permixta quæ sentit) vt quæ mixta sint necesse est. Cum ergo inter se permixta & confusa non erunt, duo

sensus erunt, qui suo munere fungantur. Atqui ab vna vi vno puncto temporis, vnam esse actionem necesse est: præsertim cum vna vis & facultas non plus quam vnum vsum motumque semel habeat. Hic vero vna est vis & facultas. Fieri ergo non potest; vt duæ res simul vno sensu comprehendantur. Quod si ea, quæ eidem sensui subiiciuntur, non possunt, si duo sint, certe multo minus ea quæ duobus sensibus proposita sunt, vt alba & dulcia, simul sciri possunt. Videtur enim animus id quod vnum numero est non aliter nisi quod simul est iudicare, specie vero vnum (iudicat vel cognoscit anima) sensu iudicante, & modo quodam. Dico autem hoc, quia fortassis album & nigrum, quod aliud secundum speciem sint ipsamet (anima discernens) iudicat & dulce amarumque, nihil quidem a seipsa, ab illo autem differens, aliter autem alterutrum contrariorum. Percipit † autem οὐσίχα vt eadem seipsa

seipsa. Exempli gratia, ut gustus se habet ad dulce, ita aspectus ad album, quoque loco, hic atrum eodem ille amarum habet. Præterea si † contrariorum motus contrarii sint, & simul contraria in eodem, & indiuiduo inesse non possunt, vni- que sensui cōtraria, ut dulce & amarum subiiciuntur, profecto fieri nō potest, ut hæc ipsa simul sensu comprehendantur. Quod eodem modo in iis, quæ contraria non sunt, animaduerti licet. Alii enim colores candorem, alii atrorem imitantur: aliorumque etiam eadem ratio esse videtur, veluti sapes partim ad dulcē partim ad amarum accedunt. Nec † vero ea, quæ ex aliis tēperata g & confusa sunt, simul sentiri possunt, quoniam cōtrariorū rationes sunt veluti modus is, qui diapason, & is q diapente dicitur, nisi forte ut vnum sensu cōprehendātur, quo quidem modo extremorum vna ratio fit. Aliter autem non. Sic enim erit simul illa quidem multorum

cum paucis, vel imparis numerum cum pari proportio, hæc autem paucorum cum paucis, vel paribus cum imparibus. Si igitur ea quæ secundum *ὁμορξία* quidem dicuntur, sed in diuerso sunt genere, magis inter se distant ac differunt, quam ea quæ in eodem genere sunt, (appello autem *ὁμορξία*, veluti dulcia & alba, genere autem differentia, dulce vero plus etiam a nigro discrepat quam ab albo) profecto minus poterunt simul sentiri quam ea quæ genere sunt eadem. Quapropter si non hæc ipsa, ne illa quidem. Quod autem proferunt quidam eorum, qui in concantu ratione versantur, sonos non simul quidem ad sensum peruenire, videri autem & nos hoc latere, cum tempus fuerit insensibile, id quæri potest, recte ne an secus asseratur? Dicat enim fortasse quispiam etiam nunc, ex eo videri simul cernique aliquid, & audiri, quod interualla temporis nos effugiant. Certe non ita est. Nec ullum tempus fugere sensum

sensum potest, aut latere nos, sed omne sensu comprehendi potest. Si enim cum aliquis sui ipsius sensum habet, aut alterius continuo tempore, non potest ipsum latere quod sit, sique est aliquod (momentum temporis) in continuo tempore, & tantillum quâ tum plane sit insensibile, manifestum est, quod seipsum ignorabit, an sit (sentiens) quodque an cernat & non sentiet, & sentiet. Præterea non erit nec tempus, in quo tu aliter sensu percipias, quam quia in eius parte aliqua: nec res vlla sensu percipitur, nisi quod tu eius aliquam partem cernas, si qua sit modo & temporis & rei magnitudo, quæ sub sensum propter paruitatem non cadat. Si enim rem totam cernat, totumque tempus ita continenter sentiat, non quod in eius aliqua parte, aut quod eius partem quandam intueatur: Si modo sit aliqua magnitudo, detrahatur B C, quæ est portio non cadens sub sensum, certe in huius parte quadã,

vel eius partem aliquam, veluti terram totam cernit, quod eius partem videt, & annuo tēpore ambulat, quod hac eius parte. Atqui in B C nihil sensu comprehendit. Eo igitur quod in aliqua parte huius A B sentit, totius sensum habere dicitur. Eadem etiam in A C ratio valet. Semper n. & in aliqua temporis parte, & alicuius rei pars quædā sensu comprehenditur, totius autē non fit sensio. Totæ igitur res sub sensum cadūt, sed quantæ ipsæ sint, nō apparet. Cū n. solis magnitudinem quis cernat, & magnitudinem quatuor cubitorum eminus, tamē quanta est ei non apparet, sed interdum indiuisibile, & tamen non cernit indiuisibile, cuius causa ante cū de hoc disputaremus, allata est. Ex quibus perspicuum est, tempus esse nullū, quod sensum effugere possit. De ea t autē quæstione, quæ paulo ante posita est, vidēdum est, vtrum simul plura sensu comprehendī nec ne possint. Simul autem dico in vno
& indi-

& indiuiduo tēpore. Primum igitur
nū hoc modo contingit (plura sen-
tire simul) vt simul quidem, sed alia
animi parte fiat sensio, & ita indiui-
dua (parte) vt quæ vndiquaque cō-
tinua sit? An† primum euidens illud *m*
est vna sensione, vt verbi gratia visu
(quo nimirum vnum quid duntaxat
& non aliud præterea sentiatur) si-
mul totū percipi, qua sensione nō-
ne plures vnus coloris partes specie
nihil discrepantes in potestate sua
habebit anima? At quæ præterea si-
mul percipiuntur, si nō specie sunt,
genere tamē eadem sunt. Aut, † di-
xerit quis, sicut duo oculi nō impe-
diunt, (quo minus res vna cerna-
tur,) ita etiam in anima, idem fieri,
propterea quod fortasse ex his vnū
aliquid efficiatur, vnaque sit eorum
ἐρέπνεια. Ibi † autem si vnum ex
vtrōq; fiat, illud erit id quod sentit.
Sin distinctum erit, vtrunque non
eodem modo habebit. Præterea
idem † sensus plures erunt, non se- *p*
cus ac si quis diuersas dissimilesq;

scientias dicat. Neque enim munus sine vi ac facultate ei congruente exstabit, nec sine hac ipsa sensus erit. Quod si horum vno eoque individuo tempore sensum habet, profecto cæterorū etiā habebit. Facilius n. poterat plura huius generis simul, quā diuersorum generū sensu cōprehēdere. Si v. alia parte dulcia alia alba animus sentit, vel id q̄ ex his cōflatur, vnū est, vel nō vnū. At qui vnū sit necesse est. Vnū enim quiddam ea est pars animi, qua sentit. Cuius tandem vnus illud erit? nihil enim ex illis vnum efficitur. Necesse est igitur vnā aliquam animi partem esse, quā omnia sentiat, quemadmodū ante diximus, ita tamen vt aliud genus alio sensu percipiat. An igitur quatenus aliquid est individuum proprio actu suo, vnum quiddam est sentiēs dulce & album? Cum autem actu diuiduum sit, aliud est? an quemadmodum in rebus ipsis, sic etiam in animo vsuuenit? Idem enim vnumquo
numero

numéro dulce & albū est, & alia ple-
raq; . Affectiones n. proprietatesq;
rerum si minus inter se secretæ se-
paratæque sunt, at certe sua cuiq; &
diuersa ratio ac definitio est. Eodē-
que modo de anima (sentiente) sta-
tuendum est; idem & vnum nume-
ro esse, quod sentiat omnia, ratione
autē aliud atq; aliud, ita vt partim
genere, partim specie diuersas sen-
siones percipiat. Ita animus simul
eadem & vna parte, ratione autem
non vna sentiet. Illud † autem per-
spicuum est, & magnitudinem esse
& diuidi posse id omne, quod sen-
sum moueat. Est enim interuallū,
quo res cerni nō potest, infinitum,
vnde autem cernitur, certum atq;
finitum. Quod de iis, quæ sub odo-
raturum & auditum cadunt, quæq;
sensum faciunt, cum ipsa non con-
tinguntur, iudicādum est eodē mo-
do. Est igitur aliqua interualli ex-
tremitas, vnde res non cernitur, est
etiam initium, a quo cernitur. Idq;
eam vim habeat necesse est, vt di-

uidi nequeat, vltra quod sensu affici nemo possit, citra vero afficiatur necessario. Si † vero aliquod indiuisibile est sensile, id si in extremo collocetur, vnde vltimum quidem non sit sensile, primū a. sit sensile, simul fiet vt visibile sit & inuisibile, q̄ est impossibile. De sensoriis igitur & sensilibus, quomodo se habeāt, & communiter, & circa vnumquodq; sensorium dictum est.

Analysis Logica CAP. 7

a Existit etiam quædam] *ἔκτῃ* huius capituli est, An multa ab vno sensu simul percipi possint. Disputatur hoc *ἡ ἀρετὴ καὶ ἡ ἁπλότης*. Primū enim pro parte negante afferuntur tres rationes. Deinde concluditur affirmative: Plura sentiri simul ab vno sensu posse.

b Maior quidem motus) Primum argumentum ex distributione. Quacūq; sentiuntur, aut sunt disparata, id est non eiusdem generis, sed ad diversos sensus pertinentia: vt sonus & color: aut sunt aduersa, id est eiusdē generis & specie dissidentia, ad eundē v. sensum pertinentia: vt gravis & acutus sonus. Si aduersa sunt, vel sunt virib. equalia vel inaequalia in mouēdo sensu. Si equalia, neutrum sentietur quia alterum ab altero obscuratur. Si inaequa

hementius & maius tantum sentietur. Sensio enim imbecillioris semper a maiore impeditur & quasi opprimitur: sicut vsuuenit in magno terrore, curis, speculationibus profundis. Non igitur duo vel plura contraria simul sensu percipi posse videntur, aut saltem si percipiuntur, non ut duo, sed velut unum percipientur, quatenus scilicet cōmixta fuerint in aliquid unū. Possunt enim contraria sic misceri, & pertinet ad sensum eundem: alias autem certum est simplicia melius faciliusq; sentiri quā mixta. Sin disparata fuerint, quæ sensui obiciuntur: multo minus ambo eodem tēpore percipientur. Nam itidem si sint imparia, fortius tantum sentietur. Obstat enim quominus id quod imbecillius est sentiat. Si paria, æqualem obscurationem & par impedimētum mutuo patientur ambo. Nec vero etiam ut unum sentiri poterunt: quia disparata non possunt misceri atq; unū fieri, veluti ex albo & acido nihil unum fieri potest: Sed diuersorum sensuum obiecta non minus post, quam ante manent.

c Præterea facilius) Secundū argumētum p sententia negāte. Magis facile & diutius est uno sensu plura percipere simul quam pluribus diuersa (quia unus sensus versatur in contrariis, & potest contraria percipere) Et tamen illud non fit. Ergo multo minus fiet ut pluribus sensibus plura diuersaq; obiecta simul percipiātur, ut album & dulce, calidum & nigrū, qua

nō miscentur. Argumentum ductū est ex eo, q̄
magis inest: & valet cōsecutio ex regula topica:
Si quod magis inesse videtur, non inest, non in-
erit etiam quod minus inesse videtur. Antece-
dens probatur. Quia contraria, quæ tamen ad
unū eundemq̄ sensum pertinent, ut album &
nigrum, dulce & amarum, nō simul sentiuntur
nisi permixta & in unam speciem redacta fue-
rint. Huius approbatio hac est. Vna potentia
individo tempore unam etiam tantum habet
operari, actūq̄ edit. Sensus quilibet est poten-
tia una. Ergo uno tempore actū sentiens nō nisi
unū sentit: ut gustus non simul percipit saporem
mellis & saporem aceti. Si igitur contraria sen-
tit, nō sentit aliter nisi post quā per mixtionē unū
facta fuerint: ut cū mellens & acetosus sapor
in oxymelite cōfusi & tēperati unusq̄ sapor fa-
cti fuerint. Tūc n. gustus nō afficitur simul cō-
trariis, ut contrariis & ut plurib. sed ut uno.
d Vnius enim numero] Vnus sensus una
sensatione simpliciter non percipit contraria, sed
percipere potest diverso tempore quoad illa spe-
cie unum sunt.

e Percipit autem! cōsuetudo. Per cōsuetudinem videtur
philosophus hic intelligere res eiusdem ordinis
& respectus in collatione analogica ut in gustu
dulce & in visu album.

f Præterea si contrariorum] Tertium argu-
mentum quo negatur plura simul uno sensu
sentiri. Nusquā sit ut contraria simul in eodem
secundum idem inesse queant. Contrariorum
sensilium

sensilium motus quib. afficiunt sensum etiā sunt contrarii. Ergo contrarii illi motus in vno eodemq. sensu simul inesse vel sentiri non possunt.

g Nec vero ea quæ] Assumit iterum paulo ante probatum, quod contraria nunquam sentiuntur ut cōtraria simul, sed quatenus per mixtionem sub vna specie offeruntur sensui. Atq. hinc iā infert sic. Nec contraria nec subcontraria simul sentiuntur per se, etiā in mixtione: quia rationes oppositæ habent si separatim considerentur. Non igitur simul sentiuntur tanquam partes coponentes, sed tantum hoc respectu quoad vnā eam rationem vnius habent, post quā mixta sunt: ut qui intuetur sanguinem e vena incisa profluentem, in quo sunt alii etiā humores, nō vno actū inspectionis quatuor humorum colores in mixtione cernere potest, nisi sub vna ratione ac colore vno sanguinis.

h Profecto minus poterunt] Iteratur prius argumentum. Contraria, quæ eiusdem generis sunt & misceri possunt ut vnum constituent, non simul sentiuntur, quatenus contraria sunt. Multo igitur minus sentientur ea quæ genere discrepant: quia plus inter se distāt & differūt quam superiora illa.

i Quod si non hæc) Refellitur aliorum quorundā responsio & sententia de proposita questione. Primum autem proponitur hic.

k Nec vllum tempus) Refutatio constans duab. rationibus, quarum prima hoc loco est.

Vtrāq. a. petita est a cōsequente absurditate.

l De ea autem] Altera pars capituli, in qua suam sententiam philosophus de questione proposita explicat. Quod scilicet simul plura senti-ri possunt.

m An primum evidens] Primus modus quo contingit uno sensu plura simul sentiri.

n Aut dixerit quis] Obiectio. In duobus oculis una tantum est sensio, & plura tamē recipi videntur, nimirum una species visibilis in dextro, altera in sinistro oculo. Ergo anima quoque partibus diuersis recipiuntur plura obiecta, quae tamen sentiuntur ab ea velut unum quid.

o Ibi autem si unum] Evidens seu solutio. Dispar ratio est sensationis unius utrobique. Oculis duobus unum cernitur, non quod species visibiles coeant & unum fiant, sed quod instrumenta ipsa, id est, nervi optici coeant in unam communem cavitatem. In hoc ergo modo visionis non multa una sensatione, ut sit in anima, percipiuntur, sed duplici instrumento unum percipitur: & fit hic unum non ex iis, quae sentiuntur, sed ex iis quae sentiunt.

p Præterea iidem sensus] Altera ratio eius sententiae, quod anima una sensatione & nō pluribus, neque diuersis partibus plura sentire simul possit. Si negemus contraria una sensatione percipi posse: sequetur unum sensum esse plures. Fieri autem nō potest ut sensus unus sit plures. Contraria igitur unica sensatione simul percipi possunt, Propositio illustratur comparatione similium. Sicut contrariorum non sunt duae scientiae, sed una:

Ita cōtrariorum etiam non sunt duæ sensio-
 nes sed una tantum: quæ albū cognoscit, eadem ni-
 grū quoq; cognoscit, Qui duabus sensio-
 nibus ea apprehendi dixerit, is perinde fecerit ac si con-
 trariorum diuersas etiā scientias esse pronun-
 tiet, cum tamē eiusdē sit scientia scire causas sa-
 nitatis & causas morbi, scire rectū & obliquū.
 9 Illud a. perspicuū est) Vltimo ostēditur,
 Omne quod sentiunt esse magnitudinē, & ni-
 hil indiuisibile sensu percipi posse. Sensile qua-
 tenus sensile non percipitur nisi ut quantum
 & diuisibile aliquid, Exemplo est visus.
 r Si vero aliquid) Demonstrat eū rem
 aduocari affirmare quia sensationē in puēlo fi-
 eri seu aliquid aduocari sentire posse existimat.

SEQVVTVR EX HOC LIBRO de sensu & sensili, per Rodolphum Goclenium excerptæ Quæstiones.

I

*An anima communicet sensum, ut suum
 idiomā corpori?*

Rudes sunt prorsus (liceat enim mihi
 scaphā vocare scapham, sicut sicut)
 doctrinæ Aristotelicæ, qui docēt
 tantum esse idiomā seu proprietatē animæ,
 quæ corpori communicetur, ut sensus per
 se sit & animæ, corporis vero per æ-

cidens & secundario. Nam vt motus non
 est proprietas animæ, sed oritur ab anima:
 sic quoque sensus non est animæ propriū
 adiunctū, sed oritur ab anima, vt effectum
 a causa. Hæc est ipsissima sentētia Aristote-
 lis, cum dicit: *sensum per corpus* (id est, per sen-
 sorium corporeum, seu ope & instrumeto cor-
 poris) fieri. Profecto corpus absque anima,
 id est, cadauer, nihil sentit. Anima seiuncta
 a corpore, etiam nihil sentit; ver bi gratia
 nihil audit, nihil videt, (*sunt enim hæ actiones
 organica*) Sensus igitur est πᾶν & effectus
 totius compositi, nec proprius animæ, nec
 proprius corpori, sed communis corpori
 & animæ. Obiicitur I. *Corpus communicat
 anima suum dolorem: Quid ni igitur com-
 municet anima re ipsa sua idem?* Resp. Animā
 dolore aliquādo affici non nego: sed dico,
 vt pes afficitur dolore corporeo, qui cor-
 poris proprius est, sic animam affici dolore
 spirituali, qui spiritus proprius est. Concede
 etiā affici animam dolorib. corporis per
 συμπάθεια seu consensum, sed non recipere
 in se plagas & vulnera, quæ ἰδίω πᾶσιν est. Il-
 la, quæ sunt corporis, dico animam ducere
 esse quidem sua, sed per naturam propriam
 esse expertem per passionum corporis. Cū
 suspectus facinoris alicuius torquetur
 συμπάθει anima, quod corpus suum patia-
 tur: ipsa vero in sua natura non patitur cor-
 poris tormentū. II. Anima est imago DEI,
 cuius

cuius bonitas non est ἀκοινῶντος creaturis. R. Imo absolute bonū esse, est ἀκοινῶντος creaturæ, & bonitas, quæ datur creaturæ a Deo, nō est ipsa Dei bonitas, quæ infinita & æterna est, sed creata & finita, illius effectum. Ita intelligatur hoc, *Deus est bonus*, per essentiam seu ipsum bonum. *Creatura est bona*, per participationem.

II.

Quomodo inter se concilientur, sensus est natura animalis: & naturam animalis consequitur?

Quæritur conciliatio horū: naturæ animalium nihil magis intimū quā sensus, siquidem animal per sensum est animal. Zabarell. lib. de cōstitutione scientiæ naturalis cap. 32. Et sensus naturam animalis omnino insequitur. Zabarel. ibid. Respo. Sensus vox accipitur modo pro ipsa anima sentiente, vel animæ facultate sentiēte, modo pro operatione eius. Prius pronuntiatum verum est de sensu accepto in prima significatione. Posterius de sensu accepto in secunda. Δύναμις igitur seu facultatem ἀποῦδος insequitur ἐνέργεια, id est, operatio interior. Sic cū dicitur somno ligari sensus: intelligitur actus secundus, id est, operatio sensuū (quo respectu dicuntur somnus similis morti, nō vero

actus primus: quando enim dormit animal, actu & re ipsa non cernit, non audit, cerneretamen & audire potest. At cum dicis, *Mortetolli sensum*: & primus actus, id est anima sentiens ac facultas sentiendi, & secundus actus, id est, ipsa actio intelligitur. Eadem prorsus distinctione conciliantur, quod Aristoteles scribit, in 2. libro de anima, τὸ δὲ ζῷον διὰ τὴν αἰσθησὶν αἰσθάνεσθαι, Quæ verba modo ex Zabarella latine facta retulimus, & quod hic sensum facit αἰσθάνεσθαι corporis animati, id est, commune animi & corporis.

III.

An auditus sit causa per se μαθήσεως ἢ ὑβeriorii rerum cognitionis?

O Ratio recte dicitur ab Aristotele αἴτιος μαθήσεως. Sed auditus causa per accidens. Quid ita? Auditus per se & primo percipit voces, quæ sono proferuntur. Oratio autem, qua de multis rebus erudimur, constat ex vocibus. Accidit igitur orationi, ut ab auditu etiam percipiatur, nempe propter voces. Auditus igitur est causa per accidens rerum cognitionis. Res ipsæ proprie non audiuntur, sed intelliguntur, seu mēte apprehenduntur. Quod vel inde pater: quod homines, qui peregrina lingua ignota vtuntur, orationem audientes, nihil inde discūt: quia nimirum vocum potestatem & vim non intelligunt.

IV.

An visus sit natura igneus

Negat hic Aristoteles visum esse naturæ igneæ. Vult autem aquam in eo dominatum tenere, quod aqua facilius recipiat & retineat species. Intelligit autem per visum, instrumentum visionis, humorem crySTALLINUM subiacentem pupillæ, ad talem hypostasim & systasim coagulatum, ut species visiles recipere & continere possit. Sed opponitur hoc sect. 31. probl. 29. ὁ ὀφθαλμὸς ὡς ὁ πῦρ, visus est ignis, Hæc igitur ita ad concordiam reduces. Prius dicit Philosophus ex sua sententia. Posterius ex aliorum magis opinione. Sed dicas forte I. *Cum torquetur, comprimitur, constringitur oculus, apparet ignis scintillans, seu igneus fulgor: Ergo oculus est igneæ naturæ.* Respond. Est fallacia secundum non causam ut causam. Oculus enim percussus vel distortus micat: quia in media sui parte est levis, non quia igneus. II. *Si oculus est aqueus, frigore obrigescet, hoc enim est humidum. Sed non hoc. Ergo nec illud.* Respondetur ad propositionem. Si humidum oculi esset aqueum, frigore obrigesceret, nisi in exsanguibus oculi duro corio essent tecti, & in sanguineis propter additam pinguedinem tardius ac minus frigoris incommoda sentiret.

V

De natura coloris dissertatio.

Quid sit color, haud facile est definire. Latet enim natura hæc, sicut & aliæ re-

rum species in profundissima caligine in-
scitiæ humanæ.

3 Et colores quam manifesti sunt visui,
tam cont rouverſi & obscuræ intellectui co-
loris cau ſæ & eſſentia.

4 Quærendum tamen nobis eſt quod
quam proxime ad verum accedit.

5 Consideratio autem coloris duplex eſt,
Absoluta & Relativa.

6 *Absolute* ſeu *per ſe* conſideratur ſecun-
dum ſuam naturam, ſiue videatur, ſiue non
videatur.

7 Color enim ſua natura viſibilis eſt, et-
a nſi nūquam videretur.

8 Non enim tollitur potentia (*viſibilitas*)
per obiecti (*rei colorata & coloris*) ablationē
(*id eſt, remotionē a viſu*) quia fluit ab inter-
nis principiis eſſentialibus.

9 Ita ergo corpus Domini etiam cum nō
videretur, erat & manebat per ſe & in ſe viſi-
bile: quia coloratū.

10 *Relate* vero conſideratur, quatenus eſt
aſpectui ſubiectus, & facit corpus aſpecta-
bile.

11 Poſteriore reſpectu definit eum Sca-
liger a poſteriori ſic, *Eſt qualitas in toto ſuo*
corpore ſubiecto, ſua ſpecie, qua a luce elicitur,
pingens aerem ad viſionem faciendam.

12 Dicit *in toto*. Nam etiam intus eſt color
vt in medio corpore caſtaneæ vel pomi, ali-
oqui non fieret per miſtionem (*qua ſit per*
totum).

13 Sic statuit Aristoteles, Colorem esse
ἡμεῖς ἐῖναι, In lib. de sensu.

14 Respectu vero priore definitur a pri-
 ori sic: *Est qualitas ex elementorum qualitate
 & luce conflata, quatenus lux est.* (Lux enim
 est actus quidam visibilitatis.)

15 Si addatur: *Imitans seu afficiens visum,*
 iterum erit consideratio relata.

16 Plato in Timæo definit, *flammam a cor-
 poribus manantem*, id est, *speciem a luce elici-
 tam e materia in medium a superficie termi-
 natam.*

17 Sectatores Aristotelis considerantes
 colorem relate, definiunt præeunte philo-
 sopho *extremitatem perspicui in corpore ter-
 minato mouentem primo ipsum actum perspicu-
 um*, (id est, aerē vel aquam lumine illustra-
 tam) *deinde ipsum visum animalis.*

18 Sed Scaliger *extremitatem & superfici-
 em* (*ἡμεῖς ἐῖναι, ὡς πῖεαι*) improbat, quod intra cor-
 pora, ubi superficies in potentia est, nihilo-
 minus color actu sit, & actu quidem visibilis
 (scilicet primo seu *ἡμεῖς*, id est, habitu, licet actu
 non videatur) *scilicet secundo, quo respectu co-
 lor dici potest visibilis potentia.*

19 Color enim non est superficies ipsa seu
 extremitas corporum, sed quiddam in cor-
 poris extremitate: quod etiam Aristoteleū
 est, seu est *πῶς, affectio, qualitas quadam cor-
 porum naturalium &c.* Extremitas vero seu
 superficies est subiectum coloris.

20 Duplex hæc consideratio coloris non parum facit ad elucidationem quæstionis, *an color sit tantum in exteriori rei superficie, qua videtur?*

21 Color enim tantum est in exteriori ultima superficie corporis, quatenus est aptus ad visum mouendum & afficiendum. Nusquam enim cernitur color, nisi in corporum extrema superficie.

22 At nec per se colore destituuntur interiora corporis, sed is color potentia tantum aspectabilis est, & actu fit aspectabilis, cum corpus secatur, vt noua fiat superficies exterior.

23 Hic diligenter notari velim, Aristotelem, cum dicit, *colorem esse extremitatem perspicui*, nō velle, *colorem esse simpliciter extremitatem seu superficiem* (*absit hoc de tanto Philosopho cogitemus*) sed sententiam verborum eius hæc esse: *Color est extremitas seu terminus perspicui, id est, patibilis qualitas terminans perspicuum seu pellucidum.*

24 Cum enim dixisset: *Lumen ad id perspicui interminati, quod perspicuum interminatum lumen transmittat*: dixit, *colorem in superficie terminari.*

25 Perspicuum autem est, *quod aptum est ad recipiendum lumen, quod non habet.*

26 Perspicuum ἀόριστον, id est, *interminatum* est, quod tota sua substantia, non tantum secundum superficiem exterioriorem, sed etiam inter

inter se & penitissime recipit & transmittit lumen, nullo obstante termino, vt impedimento, quod luminis transitum arceat: vt sunt aer, aqua limpida, gemma quadā, vitrū, humor crystallinus.

27 *Terminatum* contra: vt *speculum*, *chalybs lanigatus*, *argentum politum*.

28 *Perspicuum* actu est, quod re ipsa lumine est illustratum, vt aer interdum.

29 Color ergo est ibi, vbi perspicuum definit esse perspicuum, & visum quasi fugit & sistit, specie per perspicuum medium, vt aerem, ad oculos transmissa.

30 *Exempli causa*: Cum hæc legis, *diaphanis* seu perspicuum inter paginam libri ac literas & oculū est aer, cuius perspicuitas sistitur & finitur in eadem pagina, quæ est corpus opacum, visui non peruium.

31 Illa igitur qualitas, qua *diaphanis* terminatur, dicitur *Color* (*nigror literarum*, *albedo pagina*) quo visus excitatur & afficitur.

32 Huc pertinet, quod Scaliger dicit, Exerc. 80. sect. 8. *Aer ubicunq, alia superficie terminatur, illico species præsto est.*

33 In sensu igitur causali verba Aristotelis accipiēda sunt, vt *virtus est hominis perfectio*, id est, qualitas seu habitus, hominem perficiens.

34 Sed hic dubium oritur: an *subiectum coloris sit actu perspicuum*, an vero corpus *visile*.

35 *Respond.* Coloris subiectum per se est superficies corporis aspectabilis. Sed primum subiectum virtutis coloris, id est, coloris, quatenus ad visum refertur, quæ est, *mouere posse*, est actu perspicuum. Primum enim, vt fiat visio, color mouet actu perspicuum, vt aerem illustratum, spargēs in eum spirituale quādā vim, seu diffundēs in eo visibilem speciē. Hæc cōtinuata ad visum vsq; ex diametro oppositū seu aduersum, & ad corpus aspectabile cōuersum, hūc (*visum*) afficit & mouet, vna finē rei obiectæ ipsi imprimēs & cōmunicās, & ita visio fit in oculo *id est*, anima videndo sentit obiectū corpus.

36 Coloris quidem, qua aspectabilis est, natura propria est, vt moueat visum. Sed visum mouere nequit, nisi moueat perspicuum medium. Prima igitur *irripua* coloris est, vt actu *diaphanis* moueat. Nam pellucidum per se solum consideratum, nō habet vim mouendi visum absque colore.

V.I.

De natura luminis Dissertatio ad intelligendum Aristotelem comparata.

1 Et subriles & iucundæ sunt disputationes de lumine munete Dei principe. Ac profecto haud scio, an rerum cœlestium vlla sit excellentior ipsa luce, *ait Iul. Scaliger.*

2 Eius igitur disputationem euoluam.

3 Quis Græcis & lucem & lumē significat.

Lux

4 Lux autem qualitas est corporis lucidi, ut solis, ignis, cicindele.

5 Lumen vero est id, quod a solis fluit corpore. Est diuini illius accidentis (*lucis*) siue species & representatio, siue effectū, quod in aere ita videtur, ut alibi terminetur & faciat visilem superficiem, per colorem. Est ἡ δὲ τῆς διαφανείας, est ἐν πλῆθει τῆς διαφανείας, forma seu actus perspicui, seu trāslucidi, quatenus translucidum est.

6 Non enim διαφανείας actu, nisi per lumen φαίνεται (apparet.) Et perspicuum actu fit, cum illuminatur aliunde. Ex se enim lumen, cuius capax est, non habet.

7 Et si autem lumen colorem proprie reddat visibilem, nec idem cum hoc sit: tamen a Philosopho dicitur etiam lumen *color diaphani*, propter cognitionē & coniunctionem arctissimam. Nam absque lumine nullus color cernitur. Hinc fit, ut vna cum colore etiam cernatur lumen: sicut per accidēs terminatur etiam lumen colore. Et color non raro accipitur generaliter pro omni re aspectabili: sicut φῶς Zabatlæ sub colore, ut species sub genere cōprehenditur.

8 Cæteroquin lumē & color differūt. Color est eius *reale & materiale*. Lumē est eius *intentionale*, (liceat mihi uti hac voce *pacelatinatis*) id est, species lucis representatrix, quæ spiritualis est seu imaterialis. A luce n. fit lumē, ut a re imago. *Scalig. exerc. 75. sect. 7.*

9 Potro lumē non est forma seu actus coloris. Actū enim color est nigredo etiam sine lumine. *Vacca non minus nigra est noctu absente lumine, quam interdū presente lumine. Sed potentia visibilis est, non actū, id est, nigredo vaccae non habet efficacitatem ad afficiendum medium & oculū in tenebris, nec diffundit de se speciē visilem medio nō illuminato.*

10 Si ut res Syllogismo comprehendatur forma essentialis coloris esset lumen, adueniēte lumine generaretur color, absente lumine color nullus esset, color esset color, quatenus visibilis, & visibilitas esset coloris essentia, nō autem affectio essentiam consequens. Sed falsum consequens, Falsum igitur etiam antecedens.

11 At obiicis hoc Scaligeri exerc. 80. sect. 7. *Est ergo coloris actus lux & quasi forma quædam &c.* Et illud diuini Poetæ,

Rebus nox abstulit atra color em.

Ergo color nō est color sine *παρουσία* seu præsentia luminis: & ybi color nullus videtur, ibi item nullus est color,

12 Respond. *Primo.* Scaliger obiecto loco dicit tantum, Iridem esse coloris actum lucem & quasi formam. Sed quia hinc colligi potest aliquam lucem esse actum coloris, *secundo* contendo lumen esse actum coloris, non quidem ut color sit, (*color n. quæ color est, etiā intra soliditatem corporis non in sola superficie, absente quoq; lumine*) sed ut videatur

deatur, id est, quæ visibilis est seu videri potest actu. Hoc est, *lumen est actus visibilitatis, qui etiam in nigro esse potest. Seu, est actus coloris ad videndum.* Lumine colores fiunt actu conspiciui, qui absque eo delitescerent.

13 Loquimur autem de lumine externo seu extraneo, non de luce interna, quæ cum ipsis elementis est in compositione colorum seu ex qua essentia coloris constituitur.

14 Huc pertinet illud Scaligeri Exerc. 288. sect. 16. *Lux, id est, lumen, est ratio videndi quia defert species ad oculum.*

15 Atque hæc hætenus præcipue de quaestione, sitne lumen forma perspicui an coloris.

VII.

Conciliatio dictorum: Color est $\pi\epsilon\iota\kappa\alpha\varsigma$, id est extremum: & Color est aliquid $\epsilon\upsilon\pi\epsilon\iota\kappa\alpha\varsigma$, in extremo.

Aristoteles sentit, colorem, qui afficit aspectum, esse in extremitate corporis, non ipsam extremitatem. Sed idem etiam, colorem esse dicit extremitatem pellucidi in corpore terminato. Hæc ita facies sibi $\epsilon\upsilon\mu\phi\omega\nu\alpha$. Color est in corporis colorati extremitate, id est, superficie, ut in subiecto adiunctum. Sed color est extremitas seu terminus corporis pellucidi, hoc est, est id, quod terminat pellucidum seu perspicuum visibile. Dicitur autem *perspicuum terminatum*

H

cum perspicuitas seu transparentia habet terminum, in quo sistitur, & finitur, ita ut non transmittat visum. Tale est chalybs etiā læuigatus. Et si enim habet politam superficiem, est tamen opacum & obscurum corpus, nec intra se *διὰ τοῦτο* est luminis. Tantum perfunditur lumine & perspicuum est *ἔν* scilicet secundum exteriorem superficiem suam, ubi lumen & visus terminantur. Si igitur ita aliquis obiiciat: *Extremitas est quantitas. Color nō est quantitas, sed qualitas. Ergo color nō est extremitas*, Responde: *Color non est extremitas, extremitate sumpta pro superficie. Hæc enim subiectum est coloris, in quo inhaeret. Est vero extremitas extremitate sumpta pro qualitate terminante perspicuum ut coloris genere. Hoc extremū seu finis est qualitas tertii generis (patibilis.)*

VIII.

Conciliatio horum, Omne corpus est terminatum & quoddam corpus est interminatum.

SI color est extremitas perspicui, seu *τὸ διαφανές* in corpore terminato: sequitur quædam corpora esse interminata. At Physico omne corpus habet terminum, seu est finitū. *Resp.* Sane omne corpus terminatum est secundum substantiam & dimensiones eius: Sed quædam corpora sunt *ἀόριστα* id est, interminata, quod attinet ad perspicuitatem eorum

eorum, vel *δυσάμιν* illam, qua illustrationis capacia sunt, etiā in pfundissimis partibus. Qualia sunt, *calū, aer, aqua*. Quibus opaca opponuntur. Cæteroquin & perspicui in corpore interminato extremitas est, quæ est lumen.

IX.

Omnia ne aluntur dulci, vel simpliciter, vel alio admisto, ut ait Aristoteles?

Generaliter dicta sæpe esse restringenda, monet hic quoq; locus Arist. *τῶν αἰσθητικῶν τῶν γλυκῶν ἢ ἀπλῶς ἢ μιμικρῶς*. *Omnia alūtur dulci solo vel condito alio sapore, scilicet, quæ dulcedinis sensum seu gustum habent: ut animalia*. Horum enim sensus est. Stirpes possunt nutriri dulcibus, amaris, austeris, acetbis, falsis: *εὐλόγως* dulces dulcibus, falsæ falsis, &c. Similia n. nutriri similib. cōsentaneum est. Ac stirpium nutritio non perficitur ratione dulcis, ut defectus nutritionis stirpium non fit ratione amari. Nullo enim sensu præditæ sunt. *Ergo nec gustu*. Sed ratione primarum qualitatum elementarium aluntur.

X

Conciliatio Aristotelis & Galeni, quorum ille extremos odores facit dulce & amarum: Hic vero acerbum & acrem.

H

Galenus contraria facit acerbum & acre, & interiecit inter hæc dulce. Aristoteles vero dulce & amarum. Ratio & modus considerandi diuersus tollit hic ἀντίφασιν. Galenus, cum medica ars sit practica, considerauit naturam differentiasque saporum, quatenus indicant temperamenta & potestates rerum sapidarum ad vsum ἰατρικὸν humano corpori adhibendarum, & in distinctione saporum respexit causas efficientes eorum, caliditatem & frigiditatem, quæ diuerso modo afficiunt, vincunt & miscent humidum passum a sicco. Extremos igitur facit acerbum & acrem saporēs, quod acer fiat a summo calore, sicco terreo exquisitissime attenuato: Acerbus vero a frigiditatis ὑπερβολῇ, id est, exsuperantia, sicco terreo minimum a calore excocto. In medio collocat dulcem, quod fiat a calore temperatissimo, optimeque miscente humidum cum sicco. Aristoteles vero, quod diuinare licet, respexit & gustatus sensum & τρέφειν causamque nutritionis, & diuersum πάθος humidum factum a sicco, cum extremum extremo, dulce amaro opponit ἑναντίως. Dulce enim gustatui gratissimum, amarum contra maxime ingratum accidit atque molestum. Dulce maxime τρέφειν est, id est, nutriendum. Amarum contra. In dulci denique humidum maxime cōprehēdit ac superat siccum. In amaro maxime separatum est a sicco humidum, resolutum videlicet per vehemētem calorem.

An recte dixerit Aristoteles amarum esse priuationem dulcis.

Aristoteles amarum, quæ qualitas positiua est, fecit speciem seu differentiã saporis. Et recte illud quidem. Quomodo igitur potest illud dulci priuatiue oppondere? Annon amarus sapor est affirmatum seu aliquid positium: Sane, ut nigredo, nisi esset aliquid positium, non esset color: sic amarum, nisi esset tale, non esset sapor. Respond. Aristoteles, cum *εἰρη-
νός* opponit amarũ dulci, nõ simpliciter, sed *ἐν* loquitur, respectu habito ad *τροφικόν* & *ἐντροφίαν*, quod omne nutriens aut dulce sit, aut dulcedinis particeps: quod vero ineptissimum ad nutriendum est sit amarum. Sic nigror non est simpliciter priuatio albi, ut tenebræ lucis. Et tamen Aristoteles nigrore dicit esse priuationẽ albedinis, quæ proportionẽ quadã tenebris respondeat: quia in nigro colore minimum est lucis & nihil candidi.

XII.

Conciliatio duorum dictorum Aristotelis.

Humidũ saporosum seu succulẽtum efficit in genere odorũ, quod in genere saporum efficit siccũ. Et, Humidũ id patitur saporoso sicco.

Aristoteles ait, humidũ in aere & aqua particeps fieri posse saporosi sicci,

Et ab eo aliquid pati, id est, affici & imbui qualitate odoris, quæ primo & proprie inest saporoso sicco: ut cū grana iuniperi imponuntur prunis, resolvitur inde ^{in vaporem} seu fumus odoriferus, qui aeri miscetur vna cum odore. Sed ante dixit, Humidum sapore pradiatum in odoribus efficit siccum. Quæ hæc sententiæ variatio est? Utrobique de modo communicationis seu participationis odorum intelligendus est, hoc est, de modo, quo odor rebus odoratis inhærens, communicetur etiam aeri vel aquæ, tanquam mediis, ut actu mouere sensū possit. De hoc modo loquitur indifferenter: vel quod humiditas aquæ & aeris abluat corripiatque sapidā siccitatem: vel quod sapida siccitas se insinuet in illorum humiditatem, quam odore imbuit seu inficit. Sic sapores aquæ communicantur, vel quod aqua per siccum transmittatur, seu perfluat arripiendo secum saporosam qualitatem, vel quod siccum humori, iniiciatur aut permisceatur quocūque modo, & secum afferat saporem.

De A. m. m. XIII.

Conciliatio horū: esse idem hominis ex odoribus bonis voluptatē capere: quod dicit hic Aristoteles. Et tamen, quod idem scribit infra, alia etiam animalia offendi odoribus, qui vim interimēdi habeāt: Et 13. sect. probl. 4. odore pātherarū mire sollicitari

*tari quadrupedes cunctas, sed capitis tor-
uitate arceri: quamobrē occultato eo
reliquas dulcedine inuitatas ab
ipsis corripit.*

Homines ceteros per se delectant, & ab eo etiam non relati ad nutrimentum expetuntur. Bruta vero ex odoribus capiunt voluptatem per accidens, nempe propter nutrimentum, quod per se expetunt, ut apes thymi odore delectantur, quia odor iste ostendit idoneam ad nutritionem & mellificium materiam. Muris odor felibus famelicis est gratissimus per accidens, id est, non quia odor est, sed quia inest iucundissimo ipsis alimento. Hunc usum odoris accessorium & accidentarium homo communem habet cum brutis. Sic Apicius male olentes cibos respuit. Sic homo ebriosus vini odore delectatur, non quia odor est, sed quia potum gustatu suauem præsentem esse significat. Sed tamen, etiam quædam bruta voluptatem vel molestiam per se ex certis odoribus percipiunt: ut serpentes fugantur nidore vsti cornu, flos recentis pulegii incensus necat pulices odore. Excipiendæ igitur sunt in quibusdam animalibus certæ sympathiæ & antipathiæ, & intelligendum hominum generi præcipue hunc odorum usum concessum esse. In hac fere sententiâ sequentes theses Marpurgi, cum prælegeret publicæ Phisicæ, disputatæ sunt, quas adscribere libet

XIIII. Disputatio de Quæstione: An odor, qua delectat vel offendit sit hominis proprius?

1 Pulchra quæstio est quâ ad disputationem selegimus: *An gaudeat odore alia præter hominem animantia: An proprium hominis sit voluptatem ex odoribus capere?*

2 Nullum animal, præter hominem, ex odore capere delectationem, est Aristotelis sententia, ait Scaliger.

3 Is eidem subscribit, cum, plane, inquit, *unius omnia inter animalia hominis oblectamentum odor est. Exerc. 104 sect. 4.*

4 Quo quidem respectu tantum verum esse statuo quod ibidem dicit: *Pene solius humani sensus obiectum esse odorem.*

5 Cæteroquin, certum est multa animantia bruta sensum olfactus habere satis acrum, & in homine esse eum imbecilliorum.

6 Sed vniuersalem illam labefactant.

1. Quod Pantheræ odore quadrupedes bestias oblectari, eumque propterea sequi

2 Philosophis proditum est *ισοπλάς φρονήσις* scriptoribus

3. Quod apes thymi, felles mutium, muscæ mellis odore delectantur.

4. Quod malis odoribus quædam animalia *ἄλογα* fugantur: sulphure muscæ, galbano accenso culices, vngulæ mulinæ adustæ nidore mures. Et Cardanus scribit,

cum mices, culices, formicas fumo cōbustorum suo cuiusq; generis abigi. Narratur & culices

sera equina ante cubiculum suspensa arceri.

7 Si igitur quædam animantia odoris delectiis capiuntur, & fœtorem auerfantur, quid Aristoteli respondendum est?

8 Scaliger respondet, Aristotelis mentē esse: *In homine oblectamenta voluptatesq; potissimum esse*, id est, Aristotelem non simpliciter negare, quin alia animantia præter hominem delectationem percipiant ex odoribus, sed velle ab homine potissimum eam sentiri.

9 At Aristotelis hanc fuisse mentem, in dubium vocari non debet: cum dicat, *illam delectationem bestiis contingere per accidens*, hoc est, non delectari eas odore, qua odor est, sed qua est index delectabilis nutrimenti: vt intelligas, propter expetitum alimentū bruta gaudere perceptione eius odoris, qui præsens illud esse indicat. Sic sus gaudet cœni & lutosæ aquæ odore, quia ex eo quarit victum: sicut apes eligunt (vt ita dicam) flores, quorum rorem captent, vnde victitent, & in eo vt suavi balneo solent volutari.

10 Hanc causam non esse nullam, hinc apparet, quod non multum curæ est bestiis de bene olentibus, cum sunt satiatæ, fame vero eneclæ accurrunt eo vbi talia sentiunt.

11 Huc accedit, quod brutis natura non dedit sensum odoris ad corroborationem & recreationem spirituum animalium in cerebro, vt homini, quod & Aristoteles lib.

de sensu & sensilibus docet cap. 5.) quia ea indiget propter defatigationem & absorptionem illorum, ex multiplici labore & intentione sensuum accogitationum.

12 Si igitur contingat, ut vnguentum amaricinum sus olfaciat, nō delectabitur eo: quia nec ad desiderium cibi facit quicquam nec destinatū est ad nutritionem suis. Vnde exstitit parœmia, *Quid sui cum amaricino?*

13 Quod si fugiat sus aliquem odorem, fugiteam propter incommoditatem *ἄσπετος* seu pastus, ideoque per accidens, quia odor ille arguit & ostendit ei simul alimenti malitiam, vel citra noxam aut interitum.

14 Sicut (*generatim*) si brutum fugit odorem tetrum, ingratum, fugit nō ut odorem, sed ut indicem rei noxiæ.

15 Sic cōtra paccidēs bibulæ anui apud Plautum in Curculi. delectabilis est odor vini: Quia odor hic significat illi præsentem esse potum gustatui gratissimum, quem quidem (*potum*) expetit per se. Multibibæ verba sunt.

*Flos veteris vini meis naribus obiectus est.
Eius amor cupidam huc me per tenebras
prolicat.*

Salve animæ mi,

*Nam omnium odor vnguentum præ tua
nausea est.*

Sed quem adhuc naso odos inco

Es obsecutus, da vicissim gutturi

Meo

*Meo gaudium. Nihil ago tecum. Vbi est
ipsum*

Ipsum expeto tangere.

16 Ad extremum, sunt etiam interdum quædam antipathia, vel sympathia naturales, ac proprietates singulares occultæ, ex idægenia ortæ, quibus ad odores certos animantia quædam affecta sunt, ad eosque vel propèdunt, vel ab iisdem sunt auersa, & abhorrentia.

17 Sicut homo aliquando offensionem & fastidium habet naturale ad hoc vel illud. Exemplo est, amicus meus quondam optimus, Ioannes Heugelius, Chori Musici in aula Illustrissimi & excelssissimi Principis Guilielmi Lædgrauii Hassiæ &c. laudatiss. memoriæ, magister & Musicus theoricus simul ac practicus excellentissim. qui nidore vel nōdum præsentis anseris aflatu e conuiuiis fugabatur.

18 Sed cum vsum odorum, quos animalia bruta percipiunt, non necesse sit coniunctū esse cum voluptate, concludimus solum hominem per se semper, cum ex bene olētib. voluptate, tum ex putentibus & teterrium odorem spirantibus molestia affici.

XV.

Quaritur conciliatio horum verborum Aristotelis: Idem & non idem primus & posterior exaudit & odoratur. Vbi explicatur

distinctione duplici, An plures simul exaudiant unum sonum?

Multi simul audiunt concionem, quorū alii propiores sunt concionanti, alii ab eo remotiores. Idem autem est sonus, quem percipit propior, etsi certius percipiat, & quem audit remotior, etsi incertius. Sic vnus odor a re fragrante est in naribus Pamphili & Glycerii non plures. Sed sententiæ huic refragari videtur pñtatum: *Vñ accidens non est in diuersis subiectis.* Odor & sonus sunt accidentia: sunt enim tertii generis, id est, *παθητικαὶ* qualitates. Ergo ex vno obiecto odorabili qui existit odor, non est idem in naribus Pamphili & Glycerii, nec idem sonus in aliorum atque aliorum auri- bus. Hic respondendum e topicis Aristotelis distinctione *eiusdem*. Vnum scilicet *Numero* accidens non est in duobus subiectis. Sed vnum scilicet specie potest esse etiam in pluribus. Sic specie idem odor est in naribus duorum hominum, at non idem numero. Sic quod multi simul audiunt, est idem *τὸ αὐτὸ καὶ ὁ αὐτὸς ἀκούει*. Quisque enim sentientium speciem habet sensilē in suo sensu, ac soni odorisque species per motum & immutationem ac propagationem aeris diffunduntur & multiplicātur. Sic caliditas, quæ inest igni per se, & aquæ per accidens, non potest dici vna & eadem numero, sed specie: quia ab igne generatur similis cali-

ditas in aqua. Ignis suæ caliditatis subiectū est. Aqua itē suæ, sibi que ab igne impressæ, Verum obiicias forte solem. *Is vnus numero a mille videtur. Ergo & vnus numero odor vel sonus a mille percipietur.* Hic vero responde- tur. Sol vnus numero est, qui visum pluri- morum intuentium primo afficit mouetq; vt obiectum materiale: Itaque omnes intu- entes eundem numero solem vident. Sed in singulorum oculis est etiā vñū sensile, quoad *videt*, id est, speciem, non vnum vero seu idē numero. Vnius enim *ogru*, id est, rei visibilis innumerabiles species sphærice in omnem partem radiant, quod docent Opti- ci. Et vnum, vt dixi, ad numerum, accidens non potest recipi diuersis subiectis: quod Scholis Philosophorum tritissimum est.

XVI.

An odor sit corpus non qualitas.

Multi contra Aristotelem statuūt. Odo- res esse corporeos defluxus, non qua- litates: propterea, quod putent ipsum hali- tum, qui egreditur e re odorata, esse odorē cum tamen ille halitus sit velut *exhalatio*, id est, vehiculum & subiectum odoris. Sed audia- mus quædam antiperipateticorum argu- menta. *Quod replet sensorium est corpus. Odor replet sensorium. Ergo odor est corpus nempe spiritusosa exhalatio.* 2. Omnes causa que cale- faciunt, sunt corporales. Odores calefaciunt ce-

rebrum. Ergo colores sunt aliquid *τυμματα*. 3. Nihil nutrit nisi corpus. Odores nutriunt spiritus. Ergo sunt corpora. Assumptio probatur. Si chameleon solo vivit aere inspirato, ut Salamandra solo igne, quid obstat, quominus homo nutriripotest odoribus? 1. Respond. ad primæ obiectionis assumptionem. Odor replet per accidēs. Aut enim exhalatio, cum qua iunctus est odor replet, aut qualitas odoris, afficiendo cerebrum humidum, liquat humiditates in eo cōtēntas, unde repletio per se & proxime sequitur. 2. Secundæ obiectionis nego assumptionem. Nam aqua frigefacit frigore suo naturali, ignis calefacit sua caliditate: & tamen neq, frigiditas neq, caliditas est corpus sed utraq, est qualitas. 3. Tertiæ obiectionis similiter assumptionem, si proprie loqui velis, negandā esse statuo. Etsi enim recreēt corroborēntque spiritus, hoc tamen non est proprie nutrire. Omnia n. nutrita colligūt excrementa quæ ex odorib. nulla colligi possunt. Ad assumptionis probationem sic respondeo, Nullū omnino animal solo vitare aere, quod nutriatur tantum mixtis & compositis, quibus cōstat. Sed quod chameleoni aer pro cibo sit aliquandiu (quod scribit Plinius) ex eo patet, ait Scaliger, quod & annum integrum aiunt in ediam tolerare, & ubi excepit hiatu auram, & occlusit malas turget ei venter. Etiam inveni qui diceret,

obuersum ad Solem haurire radios, eosque conuersione hiantem sequi. Resp. Fides huius historiæ sit penes narrantes. Qui peregrinati sunt in oriente, narrât chamæleonem lingua captatas muscas deuorare. Hæc narratio, si vera est, ex solo aere spiritum nõ ducet chamæleon. Quod ad Salamandras attinet, scribunt quidem veteres, ita viuere in igne, vt ab iis exstinguantur ignes in caminis. Sed quidam e recentioribus, qui viderunt plagam orientalem, referunt Salamandram tandem absumi igne, etsi non ita cito quam alia animalcula. Ad extremũ, est prorsus diuersa natura Chamæleontis, & hominis. Quomodo igitur sequitur, Chamæleon potest viuere ex aere. Ergo homo ex odoribus

XVII.

An medium tactus sit caro in animalibus carne præditis, aut aliquid simile carni in aliis, quæ carnem non habent?

Cum omnes sensus exteriores vtantur aliquo medio, tanquam causa, vt loquuntur sine qua non, quæ rectius dicitur conditio sine qua non, quæritur quale & quòdnam sit medium tactus? Externum esse nullum docet doctrina Peripatetica, sed internum & congenitum ac copulatum cum instrumento ipso tantum, hoc est, partem quandam animalis, quæ ab animali se-

parata non est, (alioqui enim pars non esset, ut caput ense reuulsum a ceruice, non est pars animalis, & non est caput amplius, nisi aquinoce.) Obiiciat aliquis, interno medio addendum esse externum ab animali separatū, verbi gratia aerem, aquam, vestem, vel quancunq; aliam rem intermediam. Respondendum est per inficiationem, quia qualitas tactilis per hæc media, sine physico organi & tactilis contactu, non percipitur, sed oportet obiectum tactile cuti applicari: & licet aer & aqua in quibusdam medium esse videantur, non tamē per se sunt sed per accidēs, quatenus cum obiecto sunt cōiuncta. Porro medium id est, vel Remotum vel Propinquum. Remotum est caro aut quiddam simile carni (ut mixtum quiddam ex pluribus elementis) quando instrumentum tactus est rectum. Propinquum est subiecto idem cum instrumento tactus: ratione vero & definitione diuersum in illis quæ rectum instrumentum non habent. Controueniat aliquis, carnem esse instrumentum tactus. Et Aristotelem carnem medium esse tactus probare. 1. Caro in tactu & lingua in gustu sese habet, sicut aer & aqua in visu: sed aer & aqua sunt medium, non instrumentum illorum sensuum. Ergo etiā caro est medium nō instrumentum tactus. 2. Sensile impositum instrumēto non sentitur: tractabilia imposita carni sentiuntur, ut maxime perspicitur in aere & aqua, quæ plane immediate tangunt

carne. Ergo caro non est instrumentum, sed medium tactus. Verum obiicitur contra Aristotelem, quod nervi absque carne etiam sentiant: (id quod in nervis dentium animadvertere licet) ideoque caro non sit medium tactus. Respondendum est, Aristotelem loqui, & intelligendū esse in lib. de anima, de illis partibus, in quibus est caro, qua per carnem tāquā medium sentiunt, tactūque rem percipiunt, id est, caro Aristoteli medium est tactus in iis partibus, qua carne prædita sunt. In reliquis autē partibus medium ab instrumento non differe subiecto, sed tantum ratione & definitione. Obiiciunt porro, in lib. de hist. & partib. animalium, Aristotelem docere cōtrarium, Carnem videlicet esse instrumentum tactus. Respondendum est, id non esse accipiendum de carne per se, sed per accidens, quatenus est nervis prædita Sic dens tanquam os, non sentit sed tanquam os, cui nervus est insertus.

XVIII

An nervi, ad quos qualitas tactilis deferitur, sint instrumentum tactus?

Instrumentum tactus cum Galeno recte facimus nervos. Nervis enim sentire nos in iis partibus in quibus nulla est caro, veluti dentibus & ventriculo, est manifestū. Contra hanc sententiā multa possunt obijci. 1. Instrumentū ad motum sensili non sentit. At nervi imposito obiecto sentiunt. Ergo nervi

QVÆSTIO XVIII.

*non sunt instrumentum sensus sine tactus. Accedit authoritas Aristotelis qui lib. 1. de anima cap. 1. negat, sensum esse in nervis. Respondeo p distinctionē. Considerantur nervi vel secundum suam materiam, vel secundum formam. Si ratione materiæ perpenduntur, non sentiunt, cum ad terram proxime accedant: & sic tactus instrumentum esse nequeunt. Ratione vero formæ, quatenus temperato naturali calore & spiritibus referti sunt, sentiunt. Et hoc modo sunt instrumentum tactus. Quæ etiam causa est, cur medium & instrumentum tactus materia & subiecto idē esse possint. Nam nervi secundum suam materiam & subiectū sunt medium tactus: secundum formā & *divisionem* qua omnes qualitates, quæ eodē gradu præditæ nō sunt recipere possunt, instrumentū sunt tactus. Quare nervi verum tactus instrumentum esse dicuntur qui mediam habent naturam & utrunq; qualitatis extremum recipere possunt. II. Præterea, Aristoteles lib. 1. de historia animalium cap. 4. affirmat, *tactū consistere in parte corporis simili ut in carne aut aliquo eiusdē generis*. lib. 2. de partib. animalium cap. 1. docet, *carnē aut quod carni proportionē respondet in, quavis qualitate sentiendā positum esse*. Si ergo caro, & quod carni proportionē respondet, vim sentiendi obtinet, sequitur, *carnem esse tactus instrumentum*. Respondeo ad hos locos Aristotelis, quibus carnem ta-*

QVÆSTIO XVIII.

Quis instrumentum facere videtur, eum ibi
 exoterice, id est, vulgi more loqui, & carnē
 appellare non tantum musculos, sed quic-
 quid carni adhæret, & sic caro est instrumē-
 tū tactus, nō primo, sed propter adiunctos
 nervos. Quamobrem idem Aristoteles ta-
 ctus instrumentum interius sitū esse dicit
lib. 2. cap. ultimo de anima. Sane si caro esset
 instrumentum tactus, maxime propterea
 esse videretur, quod statim re tractabili
 ad carnē admota eā sentimus. Sed propter
 hanc causam caro non est instrumētum ta-
 ctus. Ergo caro plane non est instrumētum
 tactus. Assumptionē confirmo. Nam si digi-
 to imponamus tenuē aliquam pelliculā, vel
 linteum statim admoto digito illa pellicula
 sentimus seu tangimus. Attamen talis pelli-
 cula non est instrumentum, sed medium ta-
 ctus. Ergo nec caro est instrumētum, prop-
 terea quod re tractabili ad eam admota sta-
 tim sentimus. Idē iudica de linteo. Huic rati-
 oni opponi posset, *diversam esse rationem*
carnis & pelliculae vellintei, quod per carnem
statim sentiamus: per pelliculam vero vel linteū
tardius. Respondet Aristoteles *hoc non fieri*
propterea quod caro sit instrumentum, sed quod
magis propinqua & agnata sit instrumento ta-
ctus quam pellicula, vel linteum, ideoque citius
nos sentire per carnē ut partem corporis, quā
per aliquid exterius. III. Galenus denique
lib. 1. de temperamentis cap. 9. Cutem facit

tactus instrumentum. Respondendum est. *Cutis non potest per se & primarie organū esse tactus.* Nam si esset, sequeretur vbi nulla est cutis, ibi nullum esse tactum: quod experientie repugnat: Cutis ergo non est primo & per se, sed secundario, & propter aliud tactus instrumentum, quia scilicet nervis est plena, & vbi plures sunt nervi in cute, ibi acutior est tactus, vt in vola manuum & extremis digitis. Ac cum Galenus in *lib. de oculis particula 2. cap. 1.* nervos tactus organa faciat, secundum illud hoc interpretandum est, quod cutem tactus organum facit alibi: quoniam sc. arteriis & nervis, in quibus omnes qualitates insunt reposita est cutis

FINIS.